



安徽通志

ル 5
1575
63



凡呂
1875
63



重修安徽通志卷一百八十七

人物志

宦績十

徽州府

吳華孫字冠山歙縣人雍正庚戌進士選庶常授編修乾隆六年任福建學政恕而不弛公而遠譽武平人鄧美生為劉祿麟所殺棄屍於水縣令反加屍主三木觀者大圍投瓦礫塞署門縣令不得首惡拘素不快之生監二人非刑考訊皆誣服議大辟巡撫周某語華孫宜劾教官可自免華孫不肯依抗章言二生冤狀

詔覆訊二生得免死

福建通志歙縣志

汪亮卿字步庠歙縣貢生選授嘉興府通判雪秀水民婦吳胡

重修安徽通志

卷一百八十七 人物志

宦績

徽州府

氏冤署嘉興及湖州同知巡緝巨盜補如皋知縣飛蝗入境禱

歙縣志

城隍及劉猛將軍廟蝗盡入海淮徐水災發粟賑濟民沾實惠
王惟修歙縣貢生授嘉禾知縣後補寶慶府城步縣到任未半
載獲巨盜三十餘案結案二百餘事補寶靖理搖督捕同知雍
正十二年黔苗猖獗會有寶慶靖州搖寇乘勢劫掠咸議剿滅
修獨請招降良善勒獻渠魁即以修參贊軍務其中被脅之眾
悅服投誠全活四千餘人搖寇平擢寶慶知府而修已卒蔭其

子崇浩歙縣志

吳開字來儒歙縣拔貢知陽高縣調臨晉案無畱贖獄無滯囚
先是民之輸糧者吏弊百出開令民自封投櫃有數浮其實者
錄其名於簿出示某戶多銀若干令民自領又所需儀物發價

自辦無絲毫累民鄰郡疑獄上官委以會勘不煩言而剖歿後

歸櫬攀送號泣者數千人歙縣志

汪喬林字南皋歙縣武進士選授甘肅柳溝衛守備地處邊徼
招戶墾種經畫水利踰年拓地升科已數百頃乃設立義學延
師教民乾隆二年詳請分棚考試學使謂邊衛文藝如柳溝者
蓋寡次年歲歉詳請賑恤後即捐俸先辦以待檄至接濟民困

以蘇歙縣志

金德瑛字汝白休甯人乾隆丙辰進士第一授翰林修撰累遷
內閣學士禮部侍郎操文衡者二十年嘗以太常代祀山西陵
寢見女媧氏埭像不經奏改木主戊辰自江西學政還時齊魯
告饑發帑賑濟而鄒滕以南尤歉

召對時口奏即日奉

旨展期博濟丙子秋淫霖暴漲河決孫家集口運道不通時以江西典

試還乃駐一日與土人登雲龍山詢度堵洩之宜入對悉陳本

末即日遣大臣往視皆如其言水患以平擢左都御史尋以疾

卒櫬從運河歸鄒滕徐宿閒民皆哭迎之

休甯縣志

倪嘉謙字有光休甯人仁和籍乾隆丙辰進士知安塞縣初下

車值歲大稔集父老告曰水旱不時宜乘此豐稔豫為儲蓄於

是分二十四保設倉勸積粟至數萬禁吏胥毋得侵漁後歲屢

稔他邑不支而安塞帖然

休甯縣志

鄭世逢休甯人知江西龍南縣嘗捐俸三賑大荒龍人頌之

休甯縣志

程式字周序休甯人官溫州府長林場鹽大使海濱有荒田千

頃舊有埭捍潮後海水衝溢廩塞不治者數十年式力請上官

修復埭成邑人德之名曰程公埭紹郡災奏委辦賑萬民頌德

休甯縣志

黃興仁字元長休甯人官刑部員外擢郎中黔苗不靖在軍營

有功乾隆元年以黔省用兵恐廢農事借給牛具籽種興仁奉

行黃平及施秉餘慶諸州縣親視給散不假吏胥手授衡州知

府旋署衡永郴桂道

休甯縣志

方騫字蔭山歙縣人乾隆丙辰進士知融縣興學校振頽廢融

有思管鎮舟車不通騫使其民役於公而以其直買穀捐資建

倉積貯以待賑鎮人立碑紀其事稱為方公穀兼攝羅城縣事

八月其返也涕泣而送者數千後調凌雲融羅之民送者數萬

歙縣志

胡寶瓌歙縣舉人授中書歷順天府丞征剿金川參贊軍務平

定凱旋纂修方略嗣以副都御史兵部右侍郎巡撫山西歷湖南江西河南均節制各鎮兼提督以擒獲澤旺軍師功加太子太保復任江西擒獲馬朝柱軍師又以黃河水泛沈溺五十四縣復河南原任賑救安集民忘其災卒於官

賜

一品祭葬加兵部尚書太子太保諡恪靖

一統志河南名宦 歙縣志

王應超字僊雋婺源舉人知山西太平縣大水淹場廬舍捐俸賑恤民忘其災嘗獲一小賊疑其狀鞫之再三果得枯骸於鄰邑督井中則賊所謀陷者一縣驚為神調交城遇旱禱雨狐突廟步行百里而甘霖沛又調晉陽大案疑獄多所平反升平定知州準葛爾用兵羽檄交馳取道平定辦理裕如事平以軍功加級記名以知府用卒於官

婺源縣志

江吳鑑歙縣人乾隆初知樂山縣慈祥有威雅意人才竹公溪

數十里田皆引雅水灌溉然水頭田寒禾苗稍遲水尾田暖則較早舊規引水先水頭次水尾水尾得水不時少有收穫吳鑑為權其利先水尾次水頭彼此無礙而秋成加倍後擢茂州樂山民立祠祀之

四川通志 新增

吳士陞字揆銓婺源人以貢考授中書升主事外補楚雄府丞值西藏用兵軍需旁午協辦無誤上憲知其能委督廠課盈額萬餘悉以歸公廉聲大著又辦賑務民沾實惠委讞重獄詳慎平反以勞成病卒年僅三十九

婺源縣志

汪鼎金字凝之休甯人乾隆壬戌進士知三水縣縣當要津處以鎮定以餘暇葺書院延師課士調新安沿海要區從容整頓建文岡書院人文蔚起卒於官貧無以斂總督陳某賑恤之櫬

始得歸

休甯縣志

汪沂休甯人官九江府同知屢決鄰郡疑獄臨江屬之清江舊有隄捍田千頃屢議詳請修築不果沂洩任卽捐俸倡修而月功成人懷其澤

休甯縣志

江洪字蒼舒歙縣人官刑部郎中熱河有牙僧羣斃人命致死實王姓而誣高某洪細鞠之高不置辨疑而查之則瘖也遂釋高而置王於法出知西甯府以呈誤罷起補宣化同知遇事立斷案無畱贖吏卒妄證卽予杖斥革民免株連

歙縣志

江權字熙濬歙縣人乾隆乙丑進士官夔州府知府前署雅州府時小金川僧格桑肆逆民日數驚權視事如常密請發兵鎮木坪民乃安堵大軍進剿奉檄督木坪糧運又護軍需至木果等處皆先期抵營事平

特旨補授夔州夔俗强悍有號囓嚙者尤爲民害重懲其魁餘皆望風

遜去

歙縣志

江登雲字舒青歙縣人以武進士官侍衛兩護

車駕北巡關外多著勞績出任南漳遊擊以地僻藏奸設遊巡法以靖

寇盜革豪弁利債以蘇民困調乾州游擊力罷采黃之議以杜邊釁會有告紅苗出掠行旅者登雲熟審苗性半由奸民誘結因單騎按部宣布法令搜得奸民楊老回等正其罪苗人稱快罔不帖服擢南安參將升袁臨副將三署南贛總兵咨定儲糧賑兵舒民之法饑年稱便

歙縣志

王文德字晉三婺源人官平陽府同知適萬泉縣民變巡撫稔其才使攝篆以撫綏之民用帖然尋署霍隰沁諸州皆稱職其署平陽府也屬縣太平以水利爭訟久不決文德爲相度情形築石隄開兩口以分注之訟遂解上憲將密疏薦以母老引疾

歸婺源縣志

王應瑜字尹孚婺源人乾隆辛未進士選庶常授編修改御史出爲知府赴甘肅署平涼同知辦解軍需馬匹迅速無誤又署莊浪同知護臨洮道兼辦軍需及全省事宜護藩司數月督辦察哈爾兵差台站籌黃河水渡舟渡無不動合機宜旋署涼州府授甯夏府兼護道印整飭渠利調安西墾田一萬七百餘畝安插居民四百餘戶以足疾劇解任病痊赴補復委辦新疆經費局授涼州府擒劇盜馬得鼈卒於官當道悼惜之婺源縣志王廷取字又介婺源人初知鹽源縣調雅安攝邛州令時有事於緬甸川督阿桂命買牛赴軍前勞費兼至擢馬邊通判丁內艱會征金川大府奏畱籌辦糧餉服闋歷任嘉定順慶通判卒於官婺源縣志

齊剛字健中婺源舉人分發山東初署嘉祥勤於撫字授鉅野地當要衝多徭役剛刻苦自節絲毫不以累民民有爭訟多方曉譬往往釋怨於公堂而去卒於官停櫬古廟民入市者必攜香紙往奠流連涕泣年餘不絕婺源縣志

張圖南字搏萬婺源舉人分發浙江知桐廬縣地常患盜慈撫嚴懲宵小屏跡創建桐江書院調秀水鄰邑吳江報浙境聚匪幾與大獄圖南廉知爲句徒肇衅卽擒獲赴轅首實邑民安堵桐廬告災吏不申詳民情洶洶大憲委赴查勘據實陳請計口給賑且請緩徵民用綏靖升杭州東防同知民多水患乃相度地勢捐廉籌辦海艘百餘修隄千數百丈以老歸民祠祀之婺源縣志

吳綬詔字澹人歙縣人乾隆戊辰進士授翰林擢御史請更定

稽查五城竊案章程禁大吏得民訴牒仍發原地方官覆審會
審之錮習官陝甘學政及奉天府丞嚴禁冒名代作諸弊以端
士習酌撥府學員額以示均平擢京尹晉通政以親老乞養歸

歙縣志

邵齊然字闇谷休甯人乾隆戊辰進士選庶常改刑部主事審
察案牘至廢寢食有一隙之疑必呈駁議於是得減等者甚眾
升郎中出守溫州調杭州釐正南糧倉弊讞獄多平反或譏其
遲緩歎曰民命至重敢以才幹見長哉卒祀杭州名宦
休甯縣志
汪永聰字穎思休甯人乾隆壬申進士知陝西甘泉縣歲歉民
欠常平倉穀三萬餘石聰不忍苛徵約以五年償甘受處分修
城賦工屬役鄉民多不知者
休甯縣志
吳賢休甯舉人署溧水縣廢五通祠改建武廟再署荆溪修學

宮葺前明盧忠肅公祠江陰田潦令不報災羣聚毆令令走白
上官巡撫命縛其民四十餘人眾皆驚竄命賢往撫賢曰以眾
往是益民疑也遴兩廉從行曉諭四境民情帖然
休甯縣志
朱芑會字蕙纘歙縣人乾隆丁丑進士知樂平縣歷官福建漳
州知府巨盜陳薦出沒為一方害吏不敢捕芑會躬率丁壯以
計搗其穴擒治如律民賴以安擢督糧道調汀漳龍道署臬篆
嗣剿臺灣逆匪林爽文總理軍需無誤適以失察屬邑盜案降
調奉

旨特畱旋以積勞成疾乞歸卒

歙縣志

曹文埴字近薇歙縣人乾隆庚辰傳臚選庶常授編修歷官戶
部尚書以母老乞歸養加太子太保銜

御書扁額以

賜其母庚戌入京叩祝

聖壽八旬蒙

恩賜母緞二端貂皮十張乙卯恭逢

高宗純皇帝御極六十年入京叩祝蒙

恩賜母

御書扁額壽佛文綺貂皮等件皆未有之殊榮文埴由翰林供奉

內廷二十餘年典試廣東視學江西浙江各一充四庫全書總裁又

充三通館副總裁並同辦遼史元史濰縣民以浮派控奉

命查辦得實京師有疑獄久不決覆驗據實以聞案遂定運艘解糧遲

滯將誤新漕赴通辦理不十日而竣浙省倉庫虧短乘傳往按

與阿文成詳覆定議並酌立善後章程尋履勘柴石二塘以舊

柴塘即為坦水關繫石塘保障奏明歲修浙人賴之在籍奉母

十二年嘉慶三年卒五年

特旨賜祭葬謚文敏以子振鏞

贈太子太傅武英殿大學士

歙縣志

方思孝字立行歙縣舉人知隆平縣邑大饑請賑上官不許歎

曰若待再請民已轉於溝壑吾願以一官殉之遂開倉發賑全

活無算

歙縣志

畢本恕字仲言歙縣人以道員分發湖南署辰州府事縣多差

徭每雜拘鄉民無遠近日給數錢守候民受其困本恕召驛夫

長募民強壯願充夫者為之限以額散給驛舍計口授食月就

縣支給禁後永不許更擾村里且勒石以垂久

歙縣志

吳恩詔字仲延歙縣舉人授中書歷官金衢嚴巡道禁溺女鋼

婢惡俗絕倉穀派買帖費諸弊調甯紹台兵備道庚子諸暨水

災懇請蠲賑全活億萬人其年冬搶修海塘兼程催督曉夜勞瘁以疾卒

歙縣志

曹元瑞字侶白歙縣舉人知范縣借糧種修義倉署濮州有妖人繫獄多所株連捕當坐釋無辜調東鹿俗健訟至彌月案牘一清擢南路同知旋補東路兩處被水蠲賑有法終宣化府知

府

歙縣志

姚任道字亮卿歙縣人乾隆甲戌會試明通榜知莆田縣去之日攀轅塞道湖北荆州積案數十年不決牽累數千人任道奉委往勘一一讞決省釋終江西臨安府知府

歙縣志

潘應椿字仿泉歙縣舉人知懷來縣總督裘高勘和合口玲瓏石壩應椿以和合口為媽水桑乾洋河三水匯流之咽喉若束而狹之橫溢為害可立待也上書數千言力陳其不可裘據以

聞

詔曰可永定河下游數州縣被澇奉檄往勘直陳民病皆得賑卹官豐

潤有官地數千畝民多墜葬忽奉撫檄開墾椿力止之遂定為義冢著於今後補廣宗縣以勞卒官

歙縣志

王璧字可堂休甯人乾隆己卯選知揭陽縣虛公詳慎勤於治事聽訟不以擊斷為能務服其心而後已時巡行阡陌問民疾苦蠹胥悍役不敢逞奸尋以終養告歸民思之

廣東通志 新增

朱芑星字式山歙縣舉人授中書官至分巡清河道生有夙慧七月能識花好二字人以比白香山官曹州知府時有壽張邪教惑眾謀犯州府芑星練兵防禦親巡雉堞賊平微服入澇山

搜捕餘黨民安堵後在登州東平皆有惠政去之日數十里鄉耆齋錢走送後守永平以勞致疾升分巡清河道未之官卒

歙縣志

志

程芳字湘皋休甯歲貢知冠縣歷任永定臺灣鳳山諸縣鳳瀕海民猶雜居其田多藉番源來水以滋灌溉番民每截流以病禾芳單騎入其境諭以恩威番皆讐服至是河流無壅

休甯縣志

黃法休甯歲貢官開封府同知歷署南陽汝甯知府郡有豪紳佔匿人婦其家屢控莫為理法下車風采甚峻豪紳懼陰致千金嚴拒之密令幹僕偵其跡久之得婦所在竟置之於法郡頌神明以艱去士民攀泣立祠祀之

休甯縣志

夏念祖字禹洪休甯人初任歸州尉州有巨盜張洪順兄弟肆行劫掠念祖設方略易裝往捕盡獲之申院司盜狡翻圖脫大吏不察坐以誣良栽贓褫職擬徒逾四年盜他發經部駁奏特派欽差赴楚按驗得實念祖復還原官遇應升之缺即用旋補尋甸

州尉廣築隄防興蓄洩之利升撫州府照磨甸民謳思事載尋

甸志名宦傳

休甯縣志

黃孝熹字晨暉休甯人官婁縣知縣增昭陽書院膏火延名師主講嘗署興化縣被水災民借籽種銀二萬餘兩歲方熟檄追甚迫力請大府展限以紓民力又捐廉代貧民完蘆課積欠銀八百餘兩調泰興亦增凝秀書院膏火振作人文他如禁差擾勤聽斷勸農桑嚴捕盜皆克盡司牧之職

休甯縣志

張炎辰字震區休甯人分發河南署洧川縣事下車卽革除里民應差車馬之累訪求子產東里遺陟立廟祀焉後授許州襄城值歲饑黃河漫口工急以勞卒官

休甯縣志

江炯歙縣人乾隆三十四年知樂會縣仁廉明恕畱心學校增設書院膏火鄉試賓興等田租士林德之設位祀書院

廣東通志

增

汪承需字受時休甯人文端公由敦之次子乾隆庚辰以二品
蔭生為車駕司主事丁亥奉差戶部坐糧廳凡濬河轉漕運銅
裕課節浮費卹丁民人咸頌之辛卯小金川用兵隨戶部侍郎
桂林往視師庚子超遷副都御史歷任刑工戶三部侍郎降調
副都御史嘉慶四年己未奉

旨命諸臣言事需以時政利弊數條入奏

上有不愧舊臣之子之論歷位至兵部尚書兼管順天府尹辛酉永定
河決居民多被淹沒奉

命發帑往卹需買民間糗餌捆載而往散給周徧雨不止水益暴巡視
省察晝夜在古廟中料理疏渠瀉水轉賑加賑諸務隨時入奏
皆蒙

俞允兩月餘水始落民賴以安需素有目疾至是加劇壬戌仍調左都

御史甲子以二品休致歸舟抵陽穀縣卒於道蒙

恩特賜祭葬

休甯縣志

金雲槐字蔣庭欵縣人乾隆辛巳進士由中書授翰林改御史
出知常州府所至問民疾苦安良除翫摘伏如神值歲歉蠲賑
推廣

皇仁捐廉為紳士倡民慶更生升浙江督理糧儲漕務道掃浮收剋扣
諸弊丁民感戴以子應琦

贈榮祿大夫山西巡撫

欵縣志

曹城字仲宣欵縣人乾隆辛卯進士選庶常授編修兩充順天
鄉試同考官累官少詹事授山東學政擢內閣學士兼禮部侍
郎歷禮兵二部左右侍郎典試浙江事竣奉

重刊

卷一百一十一

人物志

二

徽州府

命便道巡視鹽務河工回奏稱

旨授順天學政卒於官歙縣志

江蘭字芳國歙縣貢生初任兵部主事擢郎中歷官北河總督董治河務調雲南按察使路出松桃值苗民不靖帶兵助剿超升雲南巡撫普洱邊界黑獐陸梁即會同提鎮募兵聚糧深入不毛直搗賊巢事平特邀

恩眷頒給荷包玉器嘉慶元年內補兵部右侍郎董治

山陵兼平畿南巨盜有功轉左侍郎移疾歸

召赴河工協理河務議敘入都旋卒歙縣志

洪朴字素人歙縣人與弟榜梧時有三鳳之目乾隆乙酉

上南巡召試

欽賜舉人授中書辛卯成進士由主事升吏部郎中甲午典湖南鄉試

丁酉視學湖北率諸生崇實學勵名節轉補刑部郎中總理秋讞持法甚堅去弊甚力出為直隸順德知府盡反時俗之弊清操益著梧字桐生庚子

召試舉人授中書庚戌成進士授編修乙卯典試浙江得人最盛後出

為沂州府知府卹民愛士闔郡懷之歙縣志

項應蓮字西清歙縣舉人知彭山縣委審積案多所平反又任宜賓縣縣產荔枝供億累民力罷之邑有大佛沱為極險灘捐造救生船以拯溺數年灘長為陸邑民勒石歸美歷升至思南知府捐資建鳳岡書院延師教授廣給廩餼人文蔚起宜賓祀名宦歙縣志

程嘉禛字汝華績溪監生授鹽大使遷知永嘉縣嘗令蕭山有古廟避雨者二人失銀皆易以石當拘同避雨數十人略訊即

釋去惟留三人則一為奸匪二人之銀皆其掉換眾驚為神又

攝漳浦邑有重犯林淮官以不能獲禡職者相繼嘉禮擒而置

之法攝南安值歲饑捐萬金買辦以賑凡四閱月全活十餘萬

人績溪縣志

姜肇山績溪拔貢任霍邱訓導嘗與令爭保全諸生三人歲饑

佐賑親履鄉都民沾實惠又值飛蝗食稼踏田驅逐蝗不為害

績溪縣志

周廷棠字贊平績溪舉人出宰廣東攝龍川縣掃除陋規凡署

中所市一依民價捐俸重構三台書院增其膏火揭治民十八

條於坐右屢雪冤獄嘗獲一賊自云日可千里感官至誠不欲

逃而就繫耳卒於官櫬歸哭送者不絕績溪縣志

汪思蔚字慶雲黟縣貢生以川運例議敘官宜昌府知府興山

縣民會姓者因命案疑似桔械成招思蔚研鞫知其冤白上官

脫囹圄者三人而選幹捕緝正凶巡撫謂遽釋三人嫌過寬不

稱職請改部用授工部員外郎甫解任正凶見獲應復原官以

不願外畱京職以疾歸黟縣志

孫學治字贊平黟縣舉人分發四川署彭山縣值水漲居民蕩

析撫賑有方嘉慶元年任夾江時教匪滋事團鄉勇講守禦法

邑以無虞署黔江地與楚苗接壤剿定後邑人流亡歸者分別

戶口與之休息五年補清溪地為衛藏建昌交會衝塗民夷雜

處凡乘傳過邑舊有公櫃承值經事者多私侵派撥里夫豪猾

避匿移之窮民為清理其册籍櫃無侵蝕夫役必均卒於官貧

無以斂官民交助櫬始得歸邑人送其柩至三百里外黟縣志

金應琦字元夢歙縣人乾隆甲辰

南巡召試

賜舉人授中書以艱歸起補侍讀出為山西河東道捐俸復宏運書院
優諸生廩給嘉慶元年臨晉頑民抗糧撫檄帶兵馳辦應琦單
騎往諭村民感泣立限清完事得寢三年川陝教匪未靖蒲解
一帶地接潼關晝夜戒嚴籌計防河團練事宜條款十二使軍
民各不相擾擢浙江按察使調湖南升山西布政使臨汾二十
六州縣荒旱頻仍告於巡撫奏請蠲緩賑卹民獲安堵潞鹽侵
越淮綱議復商運革除糜費陋規十四年擢山西巡撫猝患風
疾假滿百日籲懇開缺

召為刑部侍郎未幾卒

欽縣志

洪範字養泉欽縣諸生入福郡王康安營幕佐平後藏剽蕩苗
疆殲除白蓮教由縣丞升松潘廳同知甫抵任賊匪數萬逼境

聚石城守十七晝夜賊始遁升同州知府丁艱起補曹州升山
東運河道河水淺涸重運延久當事擬開黃濟運範不可當事
怒範曰官可去黃決不可開議中止疏泉以達得如舊制道光
元年改部郎旋卒

欽縣志

汪滋畹字薰亭休甯人乾隆己酉進士由翰林歷官至內閣學
士禮部侍郎嘗充

武英殿校錄以至總校總纂辦書至五十餘種之多考訂校讐至再
至三從無訛誤平生優於經濟雖居文學之班而每有所見侃
侃問問辯諍無諱悉關時政之要

休甯縣志

程濂字紺溪休甯人以貢官中書科中書外擢太湖廳同知太
湖水勢遼闊山踞湖中奸民最易匿跡濂捐修澗港隄岸添設
卡座巡船境內安宴有誤殺其婦者已擬大辟詢得其情並知

為孤子詳請減等留養他如勸農桑清積贖嚴捕緝剔宿蠹實心實政不可勝紀休甯縣志

謝文濤字奉山祁門人乾隆乙未進士知臨淄縣時武城運河淤淺奉檄往治立卽疏通調曹縣以獲盜功升濟甯州知州未之官卒士民惜之祁門縣志

謝登雋字金門祁門人乾隆壬辰登中正榜授學正出為宜昌府同知甫蒞任教匪滋事團練鄉勇從征有功升知府絕請託罷供億宜昌人稱為冰壺太守祁門縣志著退滋堂集八卷祁門縣志

縣志胡德彭字濟之婺源人官銅仁知縣時紅苗滋事供辦軍需以勤勞加級小竹山賊就擒奉檄往訊誅止其魁脅從多所全宥卒於官民人哀慕婺源縣志

王鵬南字搏北婺源舉人知廣濟縣歲旱開常平倉發穀借民邑有蝗災身往督捕捐廉以賞捕者災乃弭調漢陽邑繁多盜嚴保甲勤察訪盜賊衰息斬有疑案特委覆審虛公簡聽乃白其冤以勞卒官櫬歸士民泣送婺源縣志

贈朝議大夫祁門縣志

李承端號椿田婺源人乾隆丁未進士授工部主事居官清潔燭私剔蠹有吏懷金以獻堅拒之龍江關織造某請於和州含山等處增設小關工部未察其詳承端抗言不可爰備陳江河形勢遂不果行以艱歸服闋起補屯田司主事歷升製造庫郎

中有給諫以誣罔下獄承端請以全家保之冤得雪記名御史

婺源縣志

方體字道坤績溪人乾隆庚戌進士由刑部郎中出知九江府
捐築桑落洲隄更正九江關船尺瑞昌僵尸殺人縣讞已定為
婦殺夫體廉實雪其冤擢蘇松常鎮道調江甯鹽巡道濬清淮
支河一千二百餘丈升湖北按察使參誣良釀命之知縣論如
律遷布政使告病歸著有儀禮今古文攷正儀禮古文攷誤綠

兩山房集

績溪縣志
新增

黃輝字耀廷婺源拔貢揀發知縣歷署洛川中都鄜州有聲以
乞養歸起補山陽署汧陽鄰境民變因之饑饉捐廉勸輸全活
無數民為立碑在山陽修城櫓及囹圄有囑匪劉伏得出沒焚
掠以計擒之山南安堵

婺源縣志

黃恩字德洋婺源舉人知平羅縣政簡民安逆回滋亂通渭失

守乃擢恩攝篆賊棄城遜於石峯堡調軍征剿軍實芻糧恩皆

拮据籌辦無少貽誤事平以親老陳情改教司鐸江陰

婺源縣志

世篆字引書婺源舉人分發山東署甯海州委辦河工勤敏

將事歷署諸縣並有政聲後以解西餉北餉紀錄大功應升以

老乞歸

婺源縣志

董昌程字仲山婺源貢生以四庫館謄錄議敘授州判分發湖
北署京山縣丞委督隄工不數月隄成鞏固補蘄州判兼署大
同鎮巡檢兵差過境毫不累民兩辦災賑不假手吏胥民沾實
惠卒於官貧無以斂知州魏某賻辦棺衾小民爭餽蔬米各憲
同官贈送櫬始得歸

婺源縣志

程雲翰字秋羽黟縣副貢由教習知西平縣捐資興書院以造

士嘉慶癸酉滑縣教匪滋事團練鄉勇守禦甚備縣當孔道差役繁重不以累民歲饑疫作詳請緩徵斂死卹生竭心力為之明年大祲復請平糶未報先出資開局親往賑給以勞卒官士民哭泣櫛歸路祭者不絕黟縣志

王家景字辰北歙縣人嘉慶己未進士知清流縣山水漂沒里居家景即出倉粟四千八百石以賑眾以未請持不可慨然曰吾豈以利害計哉尋令松溪松溪多會匪又攝甌甯地多流匪嘗掠良家子女昂其價令贖又距山結廄以巧博誘男女聚會墮其術者不破家不已家景懼之以兵縛其魁驅其黨民賴以安歙縣志

吳名馨字晚滋歙縣人以經歷署都勻府事時聞雷新保不靖名馨作商人狀馳二百餘里突入捧裝擒之以出巨寇伏誅民

始知之升荔波知縣粵西有匪徒凌嶮珍竄入闔郡震恐名馨

從容指畫不數日渠魁就擒居民安堵稱為神君歙縣志

周啟魯績溪人嘉慶辛酉進士知福建泰甯縣城當杉溪水

北來之衝甫下車即捐資築壩水患永息士民德之又節次贖

解遺賦萬餘兩大吏以卓異保薦旋以修城積勞遇疾而卒績溪志

程鶴年字其吉績溪人嘗攝廣信府篆兩月判結百餘案民心

悅服歷署鹽運道贛南兵備道所至修學卹士政聲洋溢績溪志

程尙義字雅宜婺源拔貢揀發知縣補肥城嘉慶丁巳運河奔

溢議挑引河洩水肥城派挑二百餘丈尙義自出己資僱挑不

以絲毫累民一境帖然丁卯戊辰閒會匪煽集設計潛獲罪巨

魁宥脅從民得安堵乞終養歸婺源縣志

單光國字任之婺源人官雲南楚雄知府府爲九郡咽喉其滇
銅運京要津曰響水關洪水冲坍光國請改版橋磴石以圖永
固工竣調廣南甫下車歲大饑卽採買鄰封減價平糶見城垣
頽圯遂仿古人興役救荒之策捐廉鳩工民忘荒歉又度地勢
造杠梁以便滇粵兩省鹽銅互運捐資興復蓮陽書院纂修廣
南府志調東川府以祖老乞養歸士民遮道流涕婺源縣志
朱光焯字漢占婺源貢生署蒙城教諭黃水蕩析民居民棲樹
杪不得食急白邑令備報災狀首捐俸造麩食勸紳士斂助豆
麥雇船數十率諸役徧賑鄉閭復奉委辦賑民沾實惠授太和
教諭修學宮創壽山義學庠士愛戴卒於官婺源縣志
程振甲字也園歙縣人父光國見義行傳振甲文章瑰琦詞翰
特妙乾隆甲辰

召試舉人授中書充軍機章京洊轉吏部員外郎屢隨

欽差查辦事件雪冤卻賄不附勢要從軍湖南還京和珅與不相中告

歸時年三十九生平慷慨博施不責酬家落客游道光六年卒

於廣東程恩澤稱振甲亮節清風避權遠黨自成高潔出處大

節無虧義舉著在人口筆不勝紀程恩澤遺集

孫球字鳴虞休甯舉人由內閣中書歷官監察御史兩劾和珅

旋以目疾歸道光辛卯科重宴鹿鳴

賞四品銜休甯縣志

吳椿字蔭華歙縣人嘉慶壬戌進士由編修歷通政司副使督

學福建道光九年以光祿卿充會試副考官十一年以兵部侍

郎督學浙江十四年以戶部侍郎充浙江鄉試正考官均得士

稱最旋以左都御史雷浙督辦海塘十六年工竣得

旨嘉獎授禮部尚書調戶部十九年因病開缺以七十生辰
御書宣勤篤祜額福壽字及諸珍物

賜之二十五年卒

賜祭葬卹典如尚書例

史館鈔傳

程祖洛字問源歙縣人嘉慶己未進士由主事洊擢湖南布政使道光元年調山東二年升陝西巡撫改河南緝獲教匪朱麻子並匪黨四十餘名先後導治漳洹衛三河分別挑引溝築壩堰又濬虞城夏邑永城各溝河四年江南高家堰漫口祖洛奏河南撥米十萬石銀四十萬兩麻三百萬斤

上嘉其盡心國事不分畛域六年奏以明儒呂坤從祀

文廟七年母憂歸服闋巡撫湖南調江蘇十二年總督閩浙是年福州將軍瑚松額督剿臺灣逆匪張丙陳辦等

命祖洛經理後路糧餉軍火尋兼署將軍十三年事平妥籌善後得

旨嘉獎賞戴花翎十四年倡捐修建閩省義倉十六年父憂歸因病乞

休二十八年卒家

賜祭葬

贈太子太保銜諡簡敬

史館鈔傳

程績字希臣婺源舉人福建甌甯知縣捕教匪六十餘人分別置法調侯官加意學校改龍溪勸化鄉民械鬪風息去官日民刻石以誌遺愛

婺源縣志

鮑珊字滄碧一字鐵帆歙縣人父倚雲見文苑傳珊嘉慶丁卯舉人

咸安宮教習期滿用知縣己巳成進士選陝西大荔知縣勤於聽斷每折獄常至夜分民回械鬪珊必親往諭止或聞珊出即自

重刊安徽通志 卷一百一十七
解散賀家窪民爲道士裝覓食山西或以叛逆告山西巡撫奏奉

諭旨查辦珊廉得其誣事解調任渭南輕徭平徵勤政愛民慈祥坦易

此數句見渭南縣志擢乾州知州節省供億兵差局費民力以紓擢興安

府知府時值水災率屬辦賑平糶撫流亡弭盜賊凡十五閱月

鬣髮頓白道光十四年春卒官

路德撰墓志銘

程恩澤字春海歙縣人嘉慶辛未進士授編修道光元年

命在南書房行走

召諭曰汝父蘭翹先生品學朕昔年最敬汝之聲名朕亦皆知宜更守

素行旋奉

敕校刻

養正書屋集充四川正主考補中允校刻

御製文初集三年提督貴州學政歷補翰林院侍講學士六年調湖南

學政八年回京

詔充春秋左傳纂修官補祭酒母憂歸十二年以候補祭酒

特旨充廣東正主考十二月

命在上書房行走課惠親王學

上與王論恩澤爲人有和而不同之目十三年超擢內閣學士兼禮部

侍郎十四年授工部右侍郎十五年調戶部右侍郎十七年充

經筵講官夏病暑七月卒遺疏入

諭曰程恩澤由翰林洊升卿貳前在南書房上書房行走有年人甚謹

飭辦理部務克盡厥職茲聞溘逝殊堪軫惜伊子程德威著加恩賞

給舉人服闋後准其一體會試事具

國史列傳恩澤學識超於時俗六藝九流皆好學深思心知其意

任貴州學政時與布政使吳榮光勸士民育粟蠶其利大行著有國策地名考平定張穆輯其詩文爲程侍郎遺集阮元撰墓志銘孫士梧字鳳棲黟縣附貢刑部郎中嘉慶十九年授慶遠府知府民獠雜處俗尙剽悍士梧設義塾明教化俗爲之變緝盜魁辛姓三人置之法緩徵賑饑多所全活五載卒官民道哭祠祀之黟縣志

程式金字友石黟縣人大興籍嘉慶庚辰進士道光初歷署四川鹽亭遂甯知縣補高縣知縣培植人才清釐積案整頓地方民情愛戴總督蔣攸銛薦治行第一調華陽署宜賓成都所在有實政如治灌縣河堰興遂甯華陽成都書院鄉學尤爲蜀人所稱有製此之謂民之父母七字扁以獻又有以水一盂鏡一面獻者況其明且清也五年成都旱饑民洶洶式金亟請平糶

見召對稱

事遂定提督桂涵語人曰程令在蜀可當一萬兵也總督陳若霖戴三錫先後以廉潔勤能薦六年升敘永廳同知引

旨記名父憂歸九年授蘭州府遺缺知府式金先三歲卒矣同治五年以子鴻詔軍功奉

旨賞給三品封典

贈中議大夫著有說文類求五卷

馮志沂徵尚齋文集撰墓志銘黟縣志

余毓祥字夢巖黟縣人嘉慶丁丑進士刑部主事遷員外郎主稿最慎決獄若治經櫛疑疏證衷於一是遷禮部郎中截取知府以疾歸咸豐三年在籍董團練局築堡扼西武嶺積勞卒子浙江同知兆元字辛伯率義勇隨官軍剿賊復黟祁門建德等城旋卒黟縣志

徽州府志

卷一百一十七 人物志

宦績

三

徽州府

汪日宣本名淦字麗泉黟縣人嘉慶己卯進士授檢討道光十五年授四川重慶府知府葺學宮復育嬰堂教植桑麻整頓十四屬社倉建江北廳城黔匪穆賢繼之亂日宣率勇守碁江七旬事平民遂無恐道光十九年夏旱日宣以祈雨暴卒是夕大雨歲有秋民泣思之祀名宦祠

黟縣志

陳士瀛字步洲祁門舉人揀發廣西署羅城知縣儉讓廉明希蹤陸清獻補靈川日羅城士民籲留不得攀轅泣下

祁門縣志兼采夏所

撰

胡元熙字遂農黟縣舉人由兵部郎中歷官杭州府知府平反疑獄二百餘起其尤著者餘姚令刊佛書附孫敬德臨刑刀折事縣人以左道控元熙按新唐書藝文志有冥祥記孫敬德事在記中淵鑑類函采之以是獄解東陽人俞雙福娶夫喪而醮

之吳氏又斃吳前夫之女為俞子婦者臬使以前後夫子女為婚應離異元熙謂居夫喪而嫁律應離異是吳氏本不得為後妻則其女不得為前夫女卒以斃子婦定讞時稱有漢儒經義治獄風方以卓異薦遽引疾歸在籍多義行建書院移常平倉造試院彰善祠修府縣學宮重建府河西橋皆出鉅資首其事又請禁棚民間墾燒掘三次倡捐平糶他善舉不勝書咸豐三年遵

旨

團練捐輸積勞病卒子積塏字又臬歷署海甯高苑補掖縣知縣兼署平度州所至寬猛交濟吏畏民懷高苑向產硝愚民冒禁逐利喻以利害皆感悟罷業自平度回任卒官掖民為位以哭祀萊州府遺愛祠

膠縣志

鄭繩祖字翼堂祁門人嘉慶己卯進士河南正陽知縣修學宮

課士子行荒政捕劇盜威惠稱最祁門志

董桂森字滄江婺源舉人道光元年選蕪湖訓導雪廩生陶愷

等十三人冤檄勘水災傾囊以濟貧乏婺源志

余舜臣字卿五黟縣舉人任山東費縣知縣省徭役弭盜賊倡

捐重建書院置膏火邑西泗水漲築千陽隄南有豹子崗為捻

匪出沒所築堡募勇防剿東門外祔河夏潦尤險捐資雇舟濟

人居官五載乞休貧不能歸祖送者相泣而別黟縣志

姚森字樹芳黟縣舉人官江蘇通州州同捕務勤能道光辛丑

水災饑民謀劫米肆森彈壓開導禁米商居奇得無事以疾歸

居鄉多義行黟縣志

朱夢蓮字香江休甯廩貢選授東流教諭道光癸未水災辦賑

捐廉全活甚眾休甯縣志

許球字玉叔歙縣人道光癸未進士由部員軍機章京擢御史

於民生吏治大有關係者乃言之調京畿道申理冤抑嚴禁刁

告朝野服其忠直出為兗沂曹濟道父憂歸卒歙縣志

吳憲文字述菴婺源人道光癸未進士任江西奉新知縣修城

垣拓書院勤於聽斷案無留牘民間有吳長生之稱婺源志

徐上鏞字蓮舫歙縣人道光丙戌進士官兵部主事裁革陋規

遷員外郎授湖北黃州府知府連年水災捐廉撫卹崇陽鍾人

杰之亂率兵勇防江地方安靖在任五年卒官士民於河東書

院祀焉歙縣志

江之紀字石生婺源人道光丙戌進士官金匱知縣結縉案八

百餘起振興文教捐賑療災全活無算母憂去官旋卒著有白

圭堂詩集太極圖說解婺源縣志

俞誦芬字茗溪婺源人道光丙戌進士由庶吉士改主事洊升

郎中出知興化府平反冤獄有神明稱咸豐三年粵逆犯興化

誦芬率民丁守城七晝夜殺賊數百圍解以勞卒官婺源縣志

朱燮字柳溪浙江商籍舉人改歸休甯原籍由教習署龍門知

縣先是粵賊踞縣城燮帶勇抵境賊宵遁追剿之入藍漢賊巢

擒斬多名在任三年廉介寬和治獄多所全活署南海辦理洋

務悉合機宜升同知署南雄州籌餉練兵積勞疾卒同治五年

贈道銜蔭子人監休甯縣志

程鸞臺字紫垣婺源舉人補陝西中部知縣造學宮建書院立

義學義倉孜孜以教養為務婺源縣志

胡文柏字心原績溪人道光己丑進士由主事累升郎中出知

曲靖府懲黠訟清積案修水利課書院攝池東道置械鬪者數

十人於法調雲南府知府釐奸剔弊平反數百事咸豐三年會

澤縣回匪馬二花滋事募勇扼要賊不敢近先是部檄有出糶

各省倉存放所在兵餉之議文柏以為必不可行事遂寢補池

南道卒官績溪縣志

王茂蔭字子懷歙縣人道光壬辰進士由部曹擢御史咸豐元

年上振興人才疏二年粵匪由長沙東趨疏請扼防宿松黃梅

彭澤又請急收人心籌儲積講訓練求人才先後薦舉賢員多

人懇停捐納舉人及論銀票銀號大錢利弊又言天時人事語

皆迫切由太常卿歷戶部兵部侍郎咸豐十年派辦五城團防

上守備四策因病開缺

穆宗毅皇帝以茂蔭志慮忠純直言敢諫

命俟病痊聽候簡用同治元年條陳天象宜警等五事起署左副都御

史奉

命查辦山西事件補工部右侍郎調吏部母憂歸四年卒家奉有廉靜

寡營遇事敢言忠愛出於至性之

諭賜祭葬卹典如例

史館鈔傳

胡正仁字讓堂歙縣人道光癸巳進士由編修授饒州府知府

頻年水患撫卹勤勞倡修芝陽書院培植士林以疾歸卒

歙縣志

吳存義字和甫休甯人泰興籍道光戊戌進士授編修歷官吏

部左侍郎持己清廉敝衣蔬食自浙江學政任所引疾告歸歿

無餘財其子遵遺命賻贈一無所受

休甯縣志

葛良治字仲文績溪人道光辛丑進士內閣中書貴州知州任

黔西時遵義賊楊滌洗犯境百計抵禦城賴以全歷署思州知

州銅仁府知府潔己愛民備禦苗匪所在皆獲安堵擢知府病

歸道卒囊無遺財惟書數篋而已

績溪縣志

王鳳生字竹嶼婺源人官嘉興通判以能讞獄理漕河知名升

玉環同知清積案興水利擢歸德府知府濬虞城夏邑永城諸

河遷彰衛懷道轉兩淮鹽運使條陳淮鹽積弊十八策均蒙

俞允調湖北總辦水利所至治績俱有著錄

婺源縣志

王朝佐字輔臣黟縣人少從同邑王以寬受經學道光中官瑞

安縣丞獲劇盜蔡士豐解散其黨歲歉設米粥局賑飢民攝武

義縣事平反冤獄咸豐五年檄察嚴州防務道卒先是朝佐假

歸以寬問在浙何所為對曰不多事不愛錢而已同縣胡文照

亦以瑞安丞攝桐廬縣事值水患倡捐賑飢全活甚眾

黟縣志

吳端甫字冠卿歙縣舉人由中書浙江候補道署台州府知府

台匪林大廣等撲城防堵六晝夜臨海陳鵬應賊誘斬之追擒

大廣等散其齋從台民祀之歙縣志

余尙紱字蕙生休甯舉人江蘇碭山教諭碭山距省遠文風為

殿尙紱博雅能文指授諸生讀書作文之法士風遂振休甯縣志

洪國柱歙縣人咸豐元年任泰州鹽分司革陋規七千餘金兼

理淮南監掣同知募勇巡防獲土匪柯正崗正法時運道阻隔

鹽引不銷窮竈生路幾絕國柱建就場抽稅之議於公私尤多

裨益歙縣志

王家珮字黼輝婺源人江蘇同知署太倉州出疑獄死罪六人

懲健訟息爭競人皆感化旋以辦災嬰疾歸在籍總辦軍餉團

防升知府卒婺源縣志

程廷鏡字蓉屏績溪人官河南四十年兩辦祥符中牟大工道

光丁未河南旱檄辦彰德八縣災賑以廷鏡前任湯陰有德政

故也至鄴巡行賑貸杜絕中飽實惠及民擢署許州以憂歸咸

豐三年粵匪陷歸德廷鏡馳赴河南卽委署歸德知府剿捕擒

匪撫卹難民補汝州知州擒擒首王三張貴發等擢知府卒官

汝州士民祀之於聖學書院績溪縣志

章道基字惺齋績溪附貢浙江鹽經歷歷署曹娥等場大使詳

復滌鐵等處十四竈裁減建平積費三千有奇勘升沙地四千

三百八十畝卒官績溪縣志

胡廷瑞字蘊山黟縣人任陝西西鄉知縣築木馬河隄治東沙

渠水患以息黟縣志

孫炳煒字小軒黟縣人任江甯府北捕通判能決獄捕盜署高

淳知縣捐賑民德之引年去官僑居江甯咸豐三年金陵陷炳

煒時年七十一罵賊不屈死之黟縣志

洪炯字子明祁門廩貢江蘇鎮洋訓導課士有方道光十六年
 修寶山海塘出力選用州學正十九年告歸倡建考棚釐定書
 院章程並首輸千金祁門縣志
東山書院誌
 胡肇智字季臨績溪拔貢小京官咸豐四年補吏部主事洊升
 郎中充

宣廟實錄館詳校官十一年授福建汀州府知府同治四年升汀漳龍
 道

命偕臬司張銓慶經理軍需局升陝西按察使五年授順天府府尹六
 年轉宗人府丞奏城外添設粥廠籌辦荒務旋升吏部右侍郎
 充管庫大臣七年奏彙訪皖省殉難紳民婦女懇請

旌卹八年調吏部左侍郎十一月奉
 旨加恩在紫禁城內騎馬十年卒官奉有勤慎精密辦事實心之

諭賜卹如例史館
鈔傳

楊言字子顧休甯舉人同治二年由內閣中書選貴州黔西知
 州三年委署正安時正安寇氛正熾練首猜忌攻殺積弊已久
 言抵任開誠布公理其曲直稍稍感格四年正月賊忽徧城知
 練不可恃親赴軍門請援兵至而城已陷坐是革職嗣以攻克
 州城開復原官七年丁內艱回籍言幼慧工書能文咸以翰苑
 目之父孝廉方正陳復品學純粹生平宗法陸稼書言承家學
 性倜儻而能確守禮法到黔後曾被劣紳以侵蝕錢糧寄藏門
 丁誣控大府委員提訊門丁搜其私篋得言所付親筆家書內
 附自輓聯額有二老白頭悲梓里九泉碧血效椒山之句共相
 歎服誣亦得白采訪
續冊

重修安徽通志卷一百八十八

人物志

宦績

甯國府

吳洪矩涇縣人吳時罷會稽太守

明影宋本北堂書鈔百三十七引吳書

為廬江

太守有清稱徵還船輕載土時歲暮逐除者就乞所獲甚少矩

乃語之逐除人見土而去

北堂書鈔三十八又七十五引宣城記太平御覽二百六十二引宣城記

同又御覽三十七引洪誤江五百三十廬江誤廬陵嘗勸率里黨引水溉田以時蓄洩備

旱潦今涇縣有洪陂洪堰洪塘皆其遺澤

事實清册禮部奏摺

國朝同治四年准祀鄉賢祠

禮部奏案新增

唐左震涇縣人瀘州都督難當之曾孫也以贊善大夫出為黃

州刺史黃人歌曰我欲逃鄉里我欲去墳墓左公今既來誰忍

棄之去時王璵以祠禱見寵肅宗不豫太卜云祟在山川璵乃遣女巫乘傳分禱天下名山大川中使監之因緣為姦所至干託長吏以邀賂遺一巫盛年而美以惡少年數十自隨宿於黃州傳舍震晨至驛門破鏑入曳女巫階下斬之悉斃所從少年籍其贓數十萬請以其贓代貧民租中使發遣歸京帝聞而慰獎遷商州刺史後判金州刺史國史補 新舊唐書王璵傳 容齋四筆 黃州府志羅立言宣州人貞元末擢進士魏博田宏正表佐其府改陽武令以治劇遷河陰立言始築城郭地所當者皆富豪大賈所占下令使自築其處吏籍其濶狹號於眾曰有不如約為我更完民憚其嚴數旬畢無田者不知有役設鎖絕汴流姦盜屏息河南尹丁公著上狀加朝散大夫改度支河陰留後後繇廬州刺史史召為司農少卿與鄭注李訓善訓擢之為京兆少尹知府事

遂罹甘露之難唐書王播傳

南唐刁彥能字德明上蔡人父禮徙家宣州彥能少孤事母篤孝初隸節度使王茂章茂章叛吳奔於吳越彥能扶其母俟於路泣而告曰老母在不能舍而從公茂章許之乃馳還宣州而城中已亂彥能給曰我從王府來大軍已近爾輩無妄動眾信之稍定徐溫聞而嘉之以為軍校使事其子知訓彥能警敏知知訓必敗乃歸心於知誥知誥代吳入為環衛遷至天威軍都虞候左衛使金陵數大水秦淮溢東關尤被害彥能請築隄為斗門水患稍息歷至建州留後撫州節度使保大末卒南唐書本傳宋李含章宣城人少隱玉山好學工文詞每遇良夕輒吹鐵笛吟嘯自若太平興國中擢進士廷試春雨如膏賦太宗稱善嘗判戶部度支歲計充羨奏免諸道供輸一年祥符末判三司出

知本州政崇簡易所著有仙都集五卷孫孝先字玠叔以含章
蔭累官虞部員外郎通判池杭二州力學好修著有柯山集十
卷六世孫兼知台州有惠政卒官祀名宦著有雪巖集周益公題跋

萬姓統譜

許元字子春宣州宣城人以蔭為太廟齋郎累遷國子博士監
在京權貨務三門發運判官江淮歲漕不給京師乏軍儲范仲
淹薦元可倚辦擢江淮制置發運判官至則悉發瀕江州縣藏
粟引千餘艘轉漕而西朝廷以為任職就遷副使特賜進士出
身後擢天章閣待制再遷郎中歷知揚越秦州卒元初為秦州
軍事推官戍兵千人海上亡歸州守不知所為元叱執倡首三
人餘悉勞遣知丹陽縣舊制盜決練湖水者罪死會大旱元請
借湖水溉民田不待報決之守遣吏按問元曰便民罪合可也

宋史本傳 萬姓統譜 江南通志

刁術字元賓彥能子也南唐時為祕書郎集賢校理以文翰入
侍後入宋獻聖德頌上言淫刑酷法非律文所載者望悉禁止
從之仕至兵部郎中直祕閣崇文院十國春秋 刁彥能傳

凌策字子奇宣州涇縣人幼孤厲志好學會與姚鉉同學於廬
州幼孤以下舊志別載 廬州府流寓今移并雍熙二年進士起家廣安軍判改西川

節度推官通判定州李順之亂眾多憚行策自陳三蒞蜀諸其
民俗即命知蜀州徙緜州還朝命為廣南西路轉運使入為戶
部判官先是嶺南輸香藥郵卒萬人分鋪二百負擔抵京策請
陸運至南安汎舟而北止役舟八百大省轉送之費命知廣州
廣英路自吉河趣板步二百里盛夏瘴起行旅多死策請由英
州大源洞伐山開道直抵曲江人以為便還知青州東封以供

億之勤起拜都官郎中入判三司三句院出知揚州時洪州水
 王且言策蒞事和平可寄方面卽以江南轉運使授之饒州產
 金禁商市鬻或有論告逮繫滿獄策請縱民販市官責其算人
 甚便之復知益州初策登第夢人以六印加劍上遺之後往劍
 外凡六任時以爲異自蜀代還拜給事中權御史中丞時權茶
 之法弊甚詔策同議經制稍寬其舊疾甚復表求典益按歐陽永叔錢
 治墓表作求典本郡與史文異尋遷工部侍郎從其請天禧二年卒錄其子將
 作監主簿權琬並爲奉禮郎策兄簡官國子博士分司南京宋史

傳本

梅詢字昌元宣城人進士及第召試中書除集賢院李繼遷攻
 靈州詢請以朔方授潘羅支自攻取帝問誰可使詢請行未至
 而靈州陷還爲三司戶部判官屢上書論西北事請遣大臣臨

邊督戰募遊手擊賊又論曹瑋馬知節才可用傅潛楊瓊敗當
 誅田紹斌王榮等可責其效以贖過凡數十事其言甚壯歷濠

州池州知廣德軍興學校敦教化政績甚著興學以下舊志廣

志文今累遷給事中知審官院仁宗讀正說養民篇覽歷代戶

口之數問天下今民籍幾何詢對曰先帝所作蓋述前代帝王

恭儉有節則戶口充羨賦斂無藝則版圖衰減五季彫耗太祖

受命而太宗真宗休養百姓戶口倍於前矣因詔三司及編修

院檢閱以聞出知許州卒子鼎臣舉進士歷翰林學士上飛白

書墨莊二字賜之曰美卿世居文翰之地也宋史本傳

施元長字處仁宣城人天聖丁卯進士調饒州推官歷兩浙提

點刑獄行部越州諭鑑河不可爲田利害甚悉治平中知洪州

建學校定章程務以德義鎮俗後官兵部郎中子縝知鄆州築

隄繚田鄆人德之

甯國府志

楊佐字公儀宣城人舉進士為陵州推官州有鹽井深五十丈底用柏木為幹垂綆而下方能及水歲久幹敗欲易之而陰氣騰上入者輒死惟天有雨則氣隨以下稍能施工晴則亟止佐教工人以木盤貯水穴竅灑之如雨如是累月并幹一新累遷河陰發運判官皇祐中汴水殺溢不常佐度地鑿瀆以通河流京城地勢南下夏秋則苦霖潦佐開永通河疏溝澮出野外水患遂息又議治孟陽河以轉京東粟從之歷位至鹽鐵副使天章閣待制知審官院再使契丹卒於道

宋史本傳

趙稹字表微其先單父人徙於宣擢進士第歷位益州路轉運使真宗諭曰蜀遠而數亂其利害朕所欲聞稹至蜀一日章凡數上蒲江縣捕盜不得逮繫平民楚掠誣服稹行部審其冤悉縱之屢擢右諫議大夫知益州度支市錦六千匹召工計歲織裁千餘匹止以歲所織數上供官至禮部尙書太子少傅卒贈太子太保諡僖質

宋史本傳

楊嶼字器之宣城人天聖進士知袁州衢信二州民爭水利委嶼決之嶼曰衢上流水所自出然衢民頻泄水外河溉不及信爭由之起其著令先衢而後信訟遂平

江南通志

王知微字幾之宣城人慶歷中登第僉判賀州鼓鑄歲增課百萬遷祕書丞知當塗縣時築萬春圩調夫甚急知微請俟農隙部使者不悅既而重之與王安石同年嘗問以法度沿革知微惟言士去就有命名器非假人物坐是不進用仕終龍川倅

通志

劉琦字公玉涇縣人父湜景德乙巳進士自宣徙涇琦博學強

覽立志峻潔以都官員外郎通判歙州召為侍御史建言自城
綏州數致羌寇宜棄之浙西開漕渠役甚小使者張大其事以
功遷官詔琦就劾人人惴恐琦但按首謀二人而已與劉述錢
顛共劾王安石上疏曰安石任一偏之見改立新議以害天下
首建財利務為容悅奏上安石奏貶琦監處州鹽務後通判鄧
州而卒年八十一宋史本傳參用劉述傳

左彥武涇縣人嘉祐辛丑進士歷遷判無為軍措置得宜能聲
大著累官至京兆尹卒甯國府志
鍾清卿字表臣旌德人嘉祐戊辰進士官潭州觀察推官以清
謹聞凡攝長沙等五邑並有善政後令分宜秩滿百姓請留不
獲調漣水告歸甯國府志
汪齊字子思涇縣人慶歷丙戌進士累遷尚書都官員外郎時

行青苗免役法齊詣朝堂力言不便王安石曰此法便天下獨
公不便爾遂出判池州一統志萬姓統譜

王薦字繼道宣城人熙甯丙辰進士元豐末知歙縣勸學興起
教化時行差役法薦下令戶以一人受書則免其役人人競勸
學徒日眾築歲寒亭環以松竹哦咏其閒獄訟大減蔣之奇歲寒亭賦

王平字裔中甯國人熙甯丙辰進士甯國以進士舉者自平始
補韜略尉邑民與僧爭水利平曰水源出於寺然寺所利者磴
碾耳民所資者畎澮竟予民嘗驗毆死者曰尚可生救之竟蘇
其泣事精敏如此江南通志

劉拯字彥修南陵人進士及第知常熟縣有善政縣人稱之歷
官至吏部尚書樞密直學士宋史本傳

徐勣字元功南陵人舉進士王師討交阯轉運使檄勣從軍郭
達宿留不進勣謂副使趙禹曰師出淹時而主帥無討賊意何
由成功因具蠻人情狀疏於朝達禹果以無功貶通判通州瀕
海有捍隄廢不治勣躬督築之隄成民賴其利徽宗立擢寶文
閣待制兼侍講遷中書舍人修神宗實錄帝謂勣以擇相之難
云已召范純仁韓忠彥勣賀曰得人矣遷給事中上疏陳六事
曰時要任賢求諫選用破朋黨明功罪又因論棄涅州請自今
勿妄興邊事無邊事則朝廷之福有邊事則臣下之利勣初與
何執中偕事帝於王邸蔡京每曲意事二人勣不少降節俄而
遭憂京入輔摘勣行章惇詞以爲誡先烈入黨籍中大觀三年
起知太平州入覲極論茶鹽法爲民病帝曰不見卿久今日乃
聞嘉言加龍圖閣學士畱守南京終不復用以疾卒年七十九

贈資政殿學士正奉大夫勣爲帝所禮重而不至大用時議惜
之宋史本傳

韓元龍字子雲其先真定人後徙宣城以蔭補將仕郎爲天台
令縣久不治賦入無籍悉力區畫至忘家事有疏豪滑姓名來
告者謝不納曰一入吾耳卽不以善良待之何以自新聞者感
化除司農主簿論屯田利病及榷場互市責任不一歷右司農
卿出爲浙西提刑奉祠卒元龍性孝友與弟尙書元吉並以文
學顯時比之坡穎浙江通志甯國府志

章元任字莘民宣城人紹聖甲戌進士歷溧陽令歲大水道壅
相望爲乞上官諭大姓焚舍煮糜飼之御史周武仲以狀聞累
官朝奉大夫甯國府志

李回太平人崇甯癸未進士紹興元年歷位至同知樞密院事

元懿太子薨高宗未有後昭慈聖獻皇后自江西還感異夢以告帝會右僕射范宗尹造膝以請詔選太祖之後為嗣回奏曰藝祖不以大位私其子今陛下為天下遠慮合於藝祖可以昭格天命帝大感歎遂育孝宗於宮中國本乃定

宋史孝宗紀甯國府志

方懋德字元相南陵人起家胄監授武康尉有句者死或以誣富人沈氏獄已具懋德辨而釋之歷錢塘令知廣德軍未赴卒

有雲溪野老集

江南通志

章夏字彥明甯國人開封府薦第一大觀己丑進士調宿州司戶參軍歷潭州通判並有惠政所著有湘潭集弟復字季常宣和甲辰進士知丹陽修練湖民不告勞後歷御史中丞出知太平州婺州所至以廉謹稱曾孫一桂亦登第除太平州司理與守爭囚是非拂衣歸甯國府志

鮑若虛字仲實涇縣人值軍興以軍功補官靖康元年使金爭論疆圍雄辨不屈被囚於歸化州十餘年始得釋還追念二帝作詞二闕情辭愷切後以武翼郎致仕

萬姓統譜

汪汝則字方叔涇縣人為蕪湖丞助平方臘有功帝嘉其能錄

姓名於屏授紹興通判歷知衢信二州有惠政時臣僚登對論郡守才帝曰使人人如汪汝則何患不治子孫仕鄞縣有聲琛

任吳縣射獲強寇三十餘人升池州通判

江南通志甯國府志

于鵬甯國人為岳飛幕屬從征有功秦檜方俟禽陷飛偪鵬等為左證嚴行考掠不承飛死鵬等論罪有差

宋史高宗紀岳飛傳

陳天麟字季陵宣城人紹興戊辰進士為廣德簿歲饑代郡將為書請部使者得粟數千斛以賑歷知襄陽修治城堞募忠義軍浚古智河察城中奸細誅之改知贛州預為守備寇不敢犯

辛棄疾討賊所俘獲者悉送贛獄天麟惟治其魁脅從者俱得
末減入爲集賢院修撰卒

一統志 宣城事 江南通志

昌永字禹功涇縣人初以三舍法入辟雍靖康二年金兵犯京
師永倡太學諸生守義不屈紹興辛未以特奏名第一同進士
出身授太常寺丞歷至淮東參議又昌森者字元秀爲廣濟尉
以捕盜功知固始縣歷知英連二州

萬姓統譜

孫楸字德操太平人紹興甲戌進士歷判池真郢三州所至以
均稅省訟興學節財爲務入覲論及公生明上問何以生公對
曰廉生公又問何以生廉對曰儉生廉上稱善遷知太平州移
溫州朱子稱其愛立而教明古良吏也

一統志 江南通志

梅成和字德修涇縣人紹興壬子進士調江夏簿岳飛討楊么
於洞庭湖安撫使劉湜守鄂渚合督軍儲掌箋表賊平授太湖

令賑恤流移興崇學校嘗取唐人所列聖賢往行合於十義者

繪圖刻石以訓示

萬姓統譜 江南通志

吳時顯字元明涇縣人紹興庚辰進士初尉江陰歷廣南東路
轉運判官所至以廉能稱

甯國府志

虞儔字壽老甯國人父璠隱居西山有高士風儔登隆興進士
知績溪與本邑鄰食飲服用盡取諸家諸司列其治狀歷監察
御史排擊貴近綱紀肅然出知湖州力行荒政多所全活遷淮
東副運入爲太常少卿充金使累官兵部侍郎卒

江南通志 甯國府志

章燾字彥溥宣城人以蔭補廬州戶曹歷位至大理少卿坐事
罷起知復州復知蘄州蘄產竹篔簹例充苞苴悉斥去之提點湖
南刑獄全州兵劫守臣爲亂燾諭遣其眾誅一二首謀者乾道
初除大理少卿拜刑部侍郎燾練習條章議獄傅以經術時論

惟其平允以疾奉祠卒年八十二一統志湖北名甯國府志

林宗放字問禮宣城人淳熙丁未進士教授通州學有舊刊三

諫集載章惇姦狀適惇孫為郡守欲去其板宗放執不予調太

平州來學至數百人宗放升堂辨析發明至理改知蘭溪縣摧

折豪強奸吏屏氣邑號大治遷廣州通判番禺海舶例有私獻

卻不受乞祠歸萬姓統譜

文案字南甫涇縣人淳熙戊戌進士累官至御史抗疏三上災

異事直指權相忤旨罷歸弟中字正甫士南字山甫皆相繼登

第江南舊志甯國府志

楊若字又先南陵人紹熙進士知祁縣有明恕稱累遷至全州

興學校創賑濟倉減輪租浮解移信州後以朝議大夫直寶章

閣致仕甯國府志

奚士達字必達甯國人淳熙乙未進士教授復州改績溪提轄

左藏庫簽書淮南判官致仕初達與同舍郎沈渙講習禮經相

勉曰曲禮毋不敬大學毋自欺當終身行之弟士遜與達同登

進士累官至大理卿韓侂胄死史彌遠議起大獄士遜曰廷尉

天下之平侂胄誠奸若加以大逆非所敢知遂忤旨罷子祝亦

舉進士佐郡有聲江南舊志萬姓統譜

汪晦之旌德人淳熙甲辰進士倅江陵郡郡有三海八櫃恃為

險固豪右據以為田乃力復之時券法初變晦之流通錢幣又

築寸金隄以捍江厥功甚偉遷監左帑遂乞歸江南通志

吳潛字毅夫宣州人按舊志作宣城人今依宋史吳柔勝傳更正又宋史及一統志吳潛傳俱作甯國人

祕閣修撰柔勝之子嘉定丁丑進士第一歷遷尚書右郎官

都城大火上疏論致災之由願齋戒恐懼不徒減膳撤樂又遣

史彌遠書陳六事歷太常少卿淮西總領告執政與元爲鄰當以和爲形以守爲實以戰爲應今內郡窮困不宜輕議用兵其後淮師敗亡皆如潛言端平元年詔求直言陳九事忤時相罷復起再疏請養宗子以係國本以鎮人心歷端明殿學士簽書樞密院事封金陵郡侯淳祐十一年爲參知政事拜右丞相兼樞密使明年以水災乞解機政又四年授沿海制置大使判慶元府條具軍民久遠計以久任乞祠晉封崇國公判甯國府還家復召入對拜特進左丞相進封慶國公改封許國公上言忠賢空虛名節喪敗因劾章鑒高鑄丁大全沈炎等不報卒以沈炎論劾落職責授化州團練使循州安置預知死日撰遺表作詩頌端坐而逝德祐元年追復原官後贈少師宋史本傳文小二字佐甫涇縣人嘉定二年任南陵主簿居官仁愛考績

當遷父老泣留遂致仕卜居分界山

甯國府志 甯國府志 志流寓 新舊

饒虎臣字宗召甯國人嘉定甲戌進士知徽州歷遷司農卿兼

知建甯府大雨彌旬虎臣憂曰民其魚乎分遣官吏撫恤之全

活數萬人興學校建城堡節冗費府藏積至五十餘萬以廉謹

稱官至參知政事卒之日至鬻賜器營葬宋史本傳

胡伯虎字用之甯國人少從呂東萊遊登淳祐丁未進士除和

州防禦判官有善政弟季虎用虎先三年同登進士季虎官徽

州倅權發遣桂陽軍奏事行在疏陳大學正心之旨董仲舒天

人感應之言上賜嘉獎用虎仕至光祿少卿甯國府志

章炎字子美太平人寶慶丙戌進士官鎮江通判有治聲知常

州還拜殿中侍御史彈劾無所避出爲江西安撫使知江州以

忤丁大全解職一統志

焦炳炎字濟甫太平人淳祐辛丑進士知袁州新喻尉楊大明嘗誣一妾婦罪炳炎為雪其冤後為右正言以言事忤當軸作詩貽知舊云事至諫官言不得身為宰相有何榮遂解職歸南

通志

方處和字德修旌德人官玉山丞有黃姓者夜餽以金怒而麾之比歸復以班竹杖為贖怪其重劄之果得金復斥不受其廉

介如此

江南通志

仙源字士賓甯國人襄樊失陷從師江上為籌畫善後之計厥功甚偉理宗下詔褒之

甯國府志

湯肇菊字士華旌德人知肇慶府有惠政去官日贖送一無所受民為立祠

甯國府志

王三益太平人官固始簿為政酌輕重權緩急追呼不擾而事

自集人愛之如父母

甯國府志

元施正大字清泉涇縣人至元閒丞相巴延下江南辟為本縣尹初縣治在水西時苦漂蕩正大始徙於水東至今利賴又學

舍鄰大安寺為僧侵據正大與教諭賀桂孫請於部使者復之

江南通志 舊志名宦 新移

貢師泰字泰甫宣城人早入胄監泰定四年釋褐擢應奉翰林文字除紹興路推官山陰白洋港一船飄近岸有史甲者見船

無主取其篙船有二屍眾以為史殺史備富民高家史既誣服高亦就逮師泰密訪之則里中沈姓者自杭回為漁者所殺其

冤始白又治游徼徐裕殺人罪以白諸暨商人之冤治行為諸郡第一復入翰林預修后妃功臣列傳至正十四年除吏部侍郎奉命和糴浙中得糧百萬以給軍除禮部尚書未赴調平江

路總管甫視事張士誠兵自高郵抵城下守將遜去師泰亦懷
 印匿海濱江浙行省丞相達識帖睦爾命權本省參政十九年
 除戶部尚書俾分部閩中以閩鹽易糧十萬石由海道轉漕京
 師朝廷賴焉未幾召為祕書卿行次海甯卒元史本傳
 陳良弼字公輔宣城人少辟憲史有聲除嘉興路教授律身教
 人皆存古道一錢斗粟不入私室調上元簿坐佞直免吳師道
 稱其才足濟事辨足服人知足自衛眾謂其知言浙江通志
 王廷字美宗南陵人元貞二年除益州教授創置學宮廟廡及
 祭器士民悅服廷性寬和友愛葬祭一遵古禮稱貸不能償者
 舉券焚之有古君子風邑人尊之曰南澗先生甯國府志
 盧禮字仲敬太平人至順元年知崇德州時旱澇相仍民多流
 散禮捐米賑濟州境晏然浙江通志 新增

劉禮之字德茂宣城人至順中辟授光山尹自矢冰檠為民所
 頌尋遷廣州刺史甯國府志

明張椿字德茂宣城人洪武初知鄒平時齊魯初定民物凋敝
 椿創學校建公署崇祀典旌孝弟士民德之鄒平縣志

魏資敬字之觀宣城人宋參政魏良臣自溧水遷宣城資敬其
 後也洪武初為棗強丞有治聲擢監察御史以敢言稱甯國府志

李撫涇縣人洪武中官安鄉縣丞剛正不阿遇旱賑濟尤有方
 略湖南通志

吳原頤字師程宣城人洪武庚戌以明經辟司訓遷國子博士
 壬午典江西鄉試永樂間預修大典子襄為鄱陽令有聲同邑

王士謙亦以司訓辟召修大典甯國府志
 王昱字承熙涇縣人洪武初以貢入太學直陳時政謫景陵典

史升銅梁知縣以廉幹薦授合州知州卒官櫬歸老幼悲號奔

送甯國府志

梅奇涇縣人洪武閒知安陽縣救荒愛民民懷思之彰德府志

秦達字文用宣城人洪武乙丑進士歷任都察院奉檄清理囚

徒寬嚴得宜擢工部侍郎議定輪班匠法量地遠近為班次更

番輸作免其徭役進尚書上以國學為儲材地而士子巾服無

異胥吏命達製式以進凡三易其製始定明代士子衣冠創於

達云明史薛祥傳

戚遜字彥志宣城人洪武中以貢授兵部主事永樂閒歷山東

參政歲饑流移載道請於朝不待報輒發粟賑之賴全活者無

算詔獎賚遷交阯布政引年歸卒江南通志

芮麟字志文宣城人洪武閒累官至台州府以呈誤被逮父老

泣送境外移守建甯歲饑民困發粟以濟郡有上下關衛分兵

戍守小人倚為姦利商旅苦之麟疏其弊得罷同邑潘惟學知

嚴州府亦以慈惠稱一統志浙江福建名宦江南通志甯國府志

左洋字有瀾涇縣人洪武時官大理評事有聲升刑部員外郎

永樂二年設八百媳婦軍民宣慰司二以土官刀招你為八百

者乃宣慰使其弟刀招散為八百大甸宣慰使遣洋往賜印誥

冠帶襲衣命五年一朝貢遷禮部祠祭司員外郎拜應天府丞

卒於官明史雲南土司八百傳

洪秉字叔亮甯國人洪武初應求賢詔授都司斷事旋授登州

衛經歷永樂二年命清遠伯王友充總兵官率舟師巡海秉治

戰艦有功除浙江道監察御史擢江西布政以母老乞歸甯國府志

劉希賢宣城人為餘姚主簿卒於官同僚檢其篋止俸銀五錢

帕二方縣為斂其喪歸之

江南通志

丁鑑字永時南陵人永樂中以書法徵入國子監歷刑部郎中出為兩浙都轉運使以廉能治行為天下第一出使徐州以便宜發倉賑濟擢河南右布政治益有聲景泰立召為刑部左侍郎

江南通志

范懋字士勉南陵人永樂閒以舉人授河西合遷隰州同知廉

明不可犯百姓以包孝肅稱之為作思廉亭

江南通志

劉泳字溥淵涇縣人建文己卯舉人授臨湘訓導歷獻縣浦江蕭山教諭致仕卒浦江人為位於白佛寺哭之私諡懿敏先生

甯國府志

許森字茂嚴宣城人永樂甲申進士知南充縣縣多豪民森約以法久之自戢民苦徵解皇木森革其例之不當應者為尉所

譖謫為民久之事白擢山東道御史謝官歸

甯國府志

王著字有輝涇縣人官按察使經歷以廉能稱嘗奉檄巡涇州久旱著禱輒應慈溪多虎竭誠禱神比浹旬斃十三虎民遂安

江南通志

貢珊字廷甫宣城人性孝友母疾嘗糞兄病疽吮之以進士知唐山縣覈清河官地以還民時以佛稱入覲卒於京唐山民奔走哭奠爭出車錢護其喪歸

江南通志

楊三省號紫凝太平人以選貢入北雍試第一授江西安義令居常沈默寡言遇事剛斷剴把總僕殺人當道置不問三省鞫得其狀立置之法值歲祲煮粥療飢告糴散種寬積逋籍糧額政聲大著升茂州知州番民悅服以剛直忤上官遷潞藩左傅

遂引疾歸

江西通志

貢璧字廷器宣城人由舉人歷官監察御史成化中疏言星變
憲宗特識其名於御屏命巡視南畿江防中貴人多冒禁持法
不少貸遷浙江僉事卒甯國府志

秦銘字日新南陵人由國子生官陝西知州以薦擢本省參政
歷任二十餘年廉介有聲甯國府志

程富字好禮涇縣人以舉人官浙江按察司照磨湖廣按察司
巡檢有廉幹聲擢御史提督北京學政本郡舊苦養馬富為疏

免一郡德之甯國府志

劉伯大字孟輝涇縣人永樂辛丑進士官御史彈劾不避權貴
巡按江西以望誤罷歸而清名益著甯國府志

陶歆宣城人永樂十四年任吳川知縣勤於理政廉平儉約於
恤貧民徭役甚均小民逃移者遣人招諭復業相率來歸七百

五十八戶又免其賦役俾各得所後因事解任民皆思之廣志

增新

陳銓太平人任潮州府照磨府城外有妖出大石下每年祀以
人銓怒積薪石傍火發石裂震死一巨蟒妖遂絕民為立祠甯國府志

府志

吳詔相字廷臣宣城人由鄉薦知汝州不畏疆禦州境肅清江南通志

左景字孟春涇縣人以舉人任山西陵川訓導擢河南道監察
御史改山西道捕盜畿甸平反誣坐死者十一人巡按雲南監

平麓川軍至曲靖苗賊犯境督兵力戰有功以忤重臣出為四
川按察使甯國府志

王溥字景淵涇縣人以歲貢除泉州府經歷鄧茂七寇延平朝

廷遣梁瑤等討之溥為畫策擒其魁復統兵剿除餘寇升本府

推官以廉能稱

甯國府志

曹慶字文吉涇縣人以歲貢知深澤縣升化州同知單騎招諭

島寇吳威等州境以安

甯國府志

趙昌字鳴盛涇縣人景泰甲戌進士歷官戶部郎以事謫長沙

同知洞寇竊發昌悉平之成化初復為戶部郎值蘇松旱災奉

使檢覈奏減秋糧三十餘萬民困以蘇累遷山東左布政卒

甯國府志

府志

汪讓宣城人景泰初知湘陰縣時罹火災官私廬舍蕩為灰燼

讓料理區畫先學校次分司館驛修治咸有條理

湖南通志

左仲輝涇縣人天順甲申進士歷戶部郎出知永州時新建藩

府王欲闢地仲輝阻之改知漳德府藩府之擾十倍永州咸御

以禮法置泉陂三所溉田五千餘畝歲凶多方捐賑全活者無

算

湖南通志 江南通志

林鶚字一鶚太平人景泰進士授御史成化初遷江西按察使

有犯大辟賄達官求生者鶚執愈堅廣寇剽贛州急調兵禦之

遯去廣信妖賊妄稱天神惑眾捕戮其魁立解散歷左右布政

使歲饑奏減民租十五萬石成化六年擢南京刑部右侍郎卒

贈尚書諡恭肅

江西通志 新增

張綸字大經宣城人成化甲辰進士知鹽山縣誅鋤姦惡奪貴

戚侵田擢監察御史嘗按真定諸郡平鄉令欲增淤田稅檄報

淤決不常不可遺民患歷大理寺卿興襄二府爭灘地連逮七

十二家綸為奏定事得息改刑部侍郎推治博野慶成二王獄

稱旨遷右都御史武宗時中官用事論劾巨璫蕭敬等罪當誅

疏久不下因乞歸

一統志 明 史七卿表

陳効字志學南陵人成化辛丑進士由戶部主事轉員外郎中先是諸倉輸賦者初至儲積於地遇淋潦米雜泥滓漂瀉腐敗効悉登以石遂為永利出知興化府大旱籍庫帑市穀賑饑請蠲歲賦在任八年百廢具舉升鹽運使凡裕民便商事為之不遺餘力後以忤劉瑾歸

甯國府志

孫昊字曰民南陵人以舉人知海甯縣築隄捍海民賴以安昊以文學名督學戴珊所賞識有十才子以昊為首

江南通志

王達字德孚涇縣人成化丙戌進士歷官南京戶部郎中嘗決鳳陽河南爭田之獄又發十三年之盜銀於倉地吏民驚服遷知武昌府斬妖僧繼曉擒妖賊道士李孜省立三等九則之法以均田役時守備太監假進貢漁獵小民奏革之湖湘水旱相仍疏罷襄府營建以寬民力年五十致仕

江南通志

張景字存霽涇縣人以貢生為荔浦令俗習弓弩尚漁獵景興學校教農桑恩威並著獐獠感服升永安知州

涇縣志引荔浦志

沈淮字伯淵涇縣人成化丁未進士知益都縣俗遇歲旱擊枯骨椿祈雨淮嚴禁之以誠禱輒應民饑發倉賑之卒於官子儼扶櫬歸里民爭餽餼卻不受曰吾父清白安敢受此辱先人

甯國府志

江漢字紀南旌德人成化壬辰進士歷戶部郎中西蜀旱饑奉詔齋內帑賑之躬歷郡邑條畫周悉出知寶慶府首制豪猾不得借勢宗藩區別兵民禁戢流散蠹弊盡革

江南通志

徐說字以中宣城人成化戊戌進士歷官南京右通政嘗冊封靖江王資贖甚厚一無所取

江南通志

趙瑞字子祥宣城人以舉人官撫州同知嘗行縣遇二人鬪旁婦人詈曰爾殺吾父今又戕吾夫耶瑞聞而追跡果得尸因置其人於法後以彰德知府致仕卒年八十五甯國府志

王蓋字舜功宣城人祖昌裔正統中以舉人知陽穀縣裁抑入貢番僧以廉幹稱蓋登宏治己未進士在諫垣多所彈劾禁軍橫甚至侵掠官物請治如法上命榜列東安門自是少戢從弟遵正德辛未進士歷官左布政以清約著聞江南通志甯國府志

謝斌宣城人正統末任撫州府同知樂安草寇竊發民多逃竄斌設法捕獲罪為首者貸其從招復逃遺各安井里人共稱之江西通志新增

孫忠顯字良輔宣城人官大理評事刑浙江多所招雪紹興饑民求賑不得而闕有司以劫糧報忠顯詢得其情大獄得息

甯國府志

孫忠弼字良佐宣城人以舉人知河南鹿邑縣縣人文衰落忠弼構堂縣側聚諸生論文其中文風日振累遷順天治中未任卒甯國府志

管澹南陵人成化中官桂陽州同知先是峒寇破桂陽公宇學校皆被燬澹到官即請修復如舊制一統志湖南名宦

陳孜南陵人以舉人官霸州同知清理宣遼二鎮屯田升甯羌知州川蜀賊起郡邑殘毀惟甯羌以守禦得全江南通志

阮漣字重器南陵人官蕭山丞興利除害敢於有為邑東濱海築隄捍之民賴以安甯國府志

崔雲字時望南陵舉人知恩縣擒巨盜遂果升膠州守以父艱未赴服除人勸之出雲歎曰向所以戀戀五斗者親在故也今

復何求哉遂築室墓側以典籍自娛甯國府志

趙履祥字旋夫涇縣人宏治庚戌進士由戶部郎出知贛州勸

農興學禱旱弭盜政最擢鴻臚寺少卿尋謫守瀘州蜀寇未靖

悉心保禦升僉事備兵瀘州致仕歸甯國府志

徐冠字士元涇縣舉人任隆慶州學正同王守仁分校山東鄉

試又典試陝西江西遷都昌知縣以從征姚源寇功擢監察御

史巡按貴州歷知吉安府廣東副使所至有聲同邑徐瓚以舉

人知興安縣亦以廉謹稱甯國府志

重修安徽通志卷一百八十九

人物志

宦績 十二

甯國府

左然字允之涇縣人宏治庚戌進士官戶部員外郎廉明幹濟

卒於官同族左暹以舉人爲武昌通判洩事精敏以忤權貴罷

又同邑章嵩者宏治乙丑進士以戶部主事權潯陽關執法革

弊培克不行甯國府志

江文敏字克學旌德人宏治乙丑進士授南陽推官明敏果斷

擢川東分巡道丁艱起歷河南河北道西羌梗化授松潘等處

糧儲兵備副使威惠並行兵民安堵松潘俗務騎射技勇與之

講經興學士風丕振甯國府志

劉恕字宗行宣城人知武城縣有惠政當滿士民詣闕畱任三年其裔廷榮知和平縣王守仁討泐頭山賊請置縣控扼之廷榮承草創撫循餘寇保翼平民教其秀良以治行遷衢州判民為立祠祀之甯國府志

邵道宗字師魯太平人以舉人知樂陵縣立保甲保馬法縣境以甯世宗南巡供頓有程民不病擾調郟城修築沂河馬耳灣諸隄馬耳灣舊有神蛟據之屢築屢圯乃備牲祭告忽風霧中有物飛騰而去功遂成沂州礦廢盜賊繼起率士兵平之以病乞歸江南通志

蕭瑞字吉夫涇縣人正德戊辰進士知靖安縣邑多流徙瑞一意撫循復業者千餘家時奉新華林賊起以有備不敢犯調知廬陵立保甲清徭役擢監察御史劾兵部尚書王瓊奸邪廷論

臧之歷山東僉事福建右參議致仕歸江南通志

倪鶚字子薦涇縣人正德丁丑進士知江陵縣縣稱繁劇處之裕如政績大著人皆服其廉幹歷戶部員外郎遷貴州都勻知府甯國府志

汪堅字子固旌德人正德庚辰進士歷刑部郎中按郭勛怙勢不法狀輦轂肅然歷任至河南參政致仕歸清德為時推重江南通志

沈奎字文瑞涇縣人正德辛巳進士知巴陵縣升戶部主事遷陝西道監察御史巡視河南江西風裁峻整所至有聲出為岳州知府甯國府志

吳大本字性夫宣城人正德辛巳進士知進賢縣儀賓李貴怙勢殺人多方求脫卒置之法擢河南道御史三疏論閣臣張璉

不職出為廣東僉事決疑獄活趙集等三十三人終威茂兵備副使一統志

劉贊字誠夫宣城人以舉人知肥城蝗不入境調黃巖邑中豪貴多不法贊執正不阿竟中蜚語移判成都民悲啼走送勒石道傍云劉侯與赤子泣別處江南通志

梅繼儒字汝真宣城人官永豐丞勵操舉職八年如一日建學校興文教清覈冊籍邑人稱便遷解州判致仕歸卒巡撫宋儀望為立石題曰廉吏之墓甯國府志

張本字有源宣城人官開封推官正直方嚴動必循法歸無餘貲鄉人重之江南通志

王木字近仁南陵舉人授廣信推官以廉潔著遷辰州適洞蠻拒命設策平之初辰俗不諳織紵木設機杼召民間老嫗入署

使家人教之辰婦女始知本務甯國府志

江文中字克時旌德舉人任順天府推官執法不避權貴有大獄讞奏不決文中持正舉劾為當事所擠左遷濱州知州甯國府志譚潛字見之太平舉人知岷縣惠而能斷令行政舉大吏不便其所為謝事歸甯國府志

趙象字惟賢太平拔貢知慶雲縣多善政憲使聞其賢至署省視圖書外無餘物歎為天下清吏擢桂陽知州清節治聲並著嘗曰秩俸外錙銖皆是賕私人服為格言湖南通志

姚本旌德舉人知冠縣多惠政遷知汾州與總制曾銑計復河套曾銑為仇鸞所中策不果用改知獨山土賊蹂躪本畫策戰守咸中權宜邑賴以全江南通志

徐楠字任之宣城舉人知耒陽縣振興文學遷撫州同知躬負

畚鍤築千金陂撫人建祠陂上攝郡事有御史居家不法楠按治之爲其所嗾免歸子鴻起以舉人歷知衡州府多惠政未故衡屬郡人祠祀之題曰父子濟美一統志

徐祚宣城人嘉靖乙未進士知夏縣節用愛民民歡然若更生升監察御史山西通志

孫濬字宗禹宣城人嘉靖庚戌進士歷官給事中倭寇吳越趙文華撫師江上與巡撫曹邦輔相郊濬疏論其希嚴嵩意修小怨忤旨謫奉感丞歷知平陽府平陽人祀之名宦祠兄潮字宗信以舉人知濟源有捕逐妖寇功濟人至今祠祀明史趙文華傳甯國府志

劉時達涇縣舉人嘉靖間知大竹縣時寇賊嘯聚達密布方略捕獲二百餘人姦宄潛踪四川通志新增

唐汝迪字吉甫宣城人嘉靖丙辰進士司理真定有巨猾不受捕立收之一郡震懼補吏部郎以忤嚴世蕃謫禹州尋知雷州雷濱海倭寇一夕突至登陴授兵城賴以保擢河南治河副使河決崔家口有議開復舊河者上書言不便議遂寢遷廣西按察使卒子一澄天啟乙丑進士官泉州司理崔苻竊發單騎論賊投誠以卓異升刑部主事一統志江南通志

吳希賢宣城人嘉靖中知興國州勿便於民者悉裁之立忠節祠祀謝疊山一統志湖北名宦

許國忠宣城人同知處州歷攝府縣築建議復浮橋於故陟泊鹽船於上河修學築壩止開採以杜覺隙擢處州府知府浙江通志

湯鑑字巖臺宣城人知彭縣每春日勸農爭訴者立馬解之歲增新

早躬自濬泉溉田數十餘頃民勒石曰湯公泉立祠祀之甯國府志

殷登瀛字子登宣城人嘉靖壬戌進士知海甯縣期月宿逋盡

清案無停贖擢戶曹權關作浴心亭以自況出知金華府乞休

歸子之輅字樞堅萬曆癸丑進士官福甯州畫策防倭州得無

警擢刑部主事出知福州府卒分省人物考甯國府志

谷同字用中南陵人嘉靖十五年知上猶縣清介自持以培善

抑強為己任豪民捍法必嚴治之洪水衝決西城數十丈同捐

贖鍰募工修築未嘗擾民江南通志新增

徐元氣字汝和宣城人嘉靖壬戌進士官刑部員外郎以斷閭

氏姦獄忤執政指出守興化移成都出枉獄四十八人築灌縣

石堰歷雲南右布政土官岳鳳亂條上剿撫策事平調山東左

布政東省巨室優免溢額民苦賠累悉清核之仕終通政司卒

年八十一江南通志

徐元泰字汝賢宣城人嘉靖乙丑進士官吏部主事分校禮闈

以不錄張居正子左遷山東參政居正歿遷順天府尹時蜀中

河東楊柳寨酋攻普安堡入金瓶堡殺守將巡撫雒遵屬總兵

官李應祥討之番恃險剽如故乃以元泰巡撫四川代遵其冬

番突平夷堡元泰決計大征諸路兵悉集命遊擊周於德誘擒

楊柳寨國師喇嘛與青海酋灣仲守備曹希彬擊斬青海占柯

連拔諸砦焚碉房千六百有奇生擒賊魁三十餘人俘馘千餘

計自是羣番震驚不敢為患建昌越雋邛部黑骨夷竝起為亂

元泰悉討平之邛部屬夷賦乃者地近馬湖其酋撤假安輿數

侵掠內地元泰徵兵令李應祥督諸將討之生擒二賊以其地

置屏山縣論功進兵部尚書致仕明史李應祥傳

童久仁涇縣人任樂清主簿以憂解任囊空無資潘令潢一夕坐堂上語縣民曰童君廉吏也今若此奈何語未畢民輸鋸相屬

浙江通志

新增

梅守德字純甫宣城人嘉靖辛丑進士授台州推官台臨海強族多闖出中國貨與姦民互市鉤致倭寇守德按治之擢吏科給事中時嚴嵩私人胡奎謀爲工部侍郎徐可成以道士累官工部侍郎掌太常卿復求故官守德兩疏論駁事皆得已嵩深疾之出爲紹興知府繕城蒐卒均田核稅民間稱便尋督山東學政陶仲文奉上命祈年泰山怙寵干請斥之弗爲禮遷雲南參政以母老乞養歸建書院講學世稱宛溪先生

一統志

江南通志

張克家字有光宣城人嘉靖乙丑進士歷御史隆慶時太子出閣講學疏請復坐講禮謫濬縣丞起戶部主事累升雲南副使

卒

甯國府志

戚慎字汝初宣城人嘉靖甲辰進士歷南刑部郎中方士鄧中挾術炫惑慎捕治之知雲南楚雄府銀廠三十餘所例有寄庫銀卽革除之會訊土司獄執法不撓中毒卒族有士宏者以掾吏起攝長沙縣擒劫賊招峒夷勞績甚著

甯國府志

張真字仲理南陵人嘉靖丙戌進士觀政刑部卽疏黜貪污簡循良及任華容多惠政有十美十異之謠後官南京職方司員外致仕

甯國府志

趙睿字若思涇縣人嘉靖壬戌進士由蕭縣知縣擢御史屬巡視十庫瑄報車駕幸西上門觀獅子請暫避睿正色曰臣備員執法職在補過拾遺主上來正宜班侍何避爲上聞卽斂輿還後爲雲南參政緬甸酋莽應裏叛以兵壁蒙化有功官至四川

左布政勤儉清廉終始如一一統志

汪全字體之南陵舉人判漳州府倭寇憑陵設策擒殲漳賴以

安旋致仕歸甯國府志

何燿字贊文南陵人嘉靖癸丑進士除行人司行人歷吏科都

給事中時嚴嵩當國燿目覩其弊上疏條陳五事曰寬民力懲

賊吏重糾察正士風禁奢靡得旨允行燿愈自奮隨疏帑藏匱

絀早賜計處以濟時艱固邦本娓娓數千言方欲大用以疾卒

官南陵縣志

汪鎰字衡夫南陵舉人知任邱縣毀淫祀惟存漢壽亭侯廟改

知新樂清驛傳減馬價招集流移邑人德之遷岳州通判致仕

歸甯國府志

蕭謐字子靖涇縣舉人判肇慶府廉惠有聲委征苗獍夷人懾

服卒於官甯國府志

張炫字文光涇縣舉人知綏甯縣建明倫堂以造士又以山縣

簡僻請裁縣丞詔從其議擢長沙同知遷潮州時倭寇煽亂巨

賊張爓擁眾數萬據境炫單騎入其穴諭以利害卒就款服賜

白金文綺旋解綬歸一統志湖

查絳字汝素涇縣人嘉靖庚戌進士任大理評事恤刑中州多

所平反出知真定府升浙江按察副使以平倭功進三品秩致

政歸甯國府志

董鏞字仲宣涇縣人嘉靖癸未進士知桐鄉縣修荒政崇學校

邑人德之同族董珩字子純嘉靖壬辰進士由海鹽知縣擢御

史巡視江西以風力稱忤權貴謫歸甯國府志

章文粹涇縣人任福甯州訓導講貫詩經要旨大有發明值倭

警閉城避倭之眾無所歸文粹以身任開門納之全活甚眾卒

於官士民千里奔送

福建通志
甯國府志

許汝驥字德卿甯國人父萬相知巫山縣為民請於當事免權
茶之病汝驥成嘉靖癸丑進士歷戶部郎中值畿輔大饑請發
太倉賑之轉職方嚴嵩私仇鸞欲越次敘功執不可景王之國
部委治舟潞河限以千艘民得不擾又閱視薊鎮軍實劾鎮帥
張承勛貪贖不法狀並言督撫諸臣不任節制上為動容仕終

河南副使

一統志

朱一柏字應真甯國舉人知岷縣邑舊有溪環治若抱後南徙
科名衰落者三十年一柏乃計日興工為復其舊新學舍立經
史鉛槧局月三課士親定甲乙是科獲雋者三人歷遷廣州同
知海氛犯境率士捍禦嶺表以安終慶遠府知府

甯國府志
岷縣志

劉炎宣城人嘉靖初知和平縣時邑新造炎創公署建月城招
民以實閭井修立學社擇民子弟教之平定羣盜邑賴以安

志廣東
名宦

屠義英字純卿甯國人嘉靖丙辰進士授戶部主事歷祠祭郎
中督學浙江持法清嚴竿牘不行張居正禁講學義英曰官可
棄學不可不明益與士大夫會講不輟遷太常卿掌南監事申
嚴條約六館肅然上書春風化雨蔚為人宗八字賜之南郡諸
臣公疏請居正奪情義英獨不署名曰朝廷可無居正居正不
可無母遂罷歸交薦不起卒贈刑部侍郎

一統志
江南通志

鄭欽字堯卿涇縣人嘉靖壬戌進士歷戶科給事條陳六事一

疏愷切詳明又疏論朱衡經理運道之害官終應天府尹弟銳

字遜卿隆慶辛未進士擢御史疏論張居正奪情不報出知嚴

州以府地傾東南爲建文昌閣民間由是殷阜人文並興官終

湖廣副使

明史朱衡傳
浙江通志

周希旦字汝魯旌德人嘉靖壬戌進士由興化推官擢御史時高拱恃宮僚舊恩當國專恣希旦論之又疏請罷內閣止入貲正士習及定大峪山議累遷應天府丞時苦旱疫疏請發帑金萬以賑旋引年歸

一統志

周怡字順之太平人嘉靖戊戌進士歷吏科給事中所彈劾率當事有勢力大臣在廷多側目時相臣嚴嵩翟鑾與尚書許讚互相詆訐怡疏言大臣各持意見非國之福因言陛下日事禱祠而災祲未消開輸銀例而府庫不充頒蠲租令而百姓未蘇下選將練士之命而邊境未甯御史謝瑜童漢臣以劾嵩故嵩皆假他事罪之諫諍之臣自此箝口帝覽書大怒杖之闕下錮

詔獄者再隆慶元年起故官擢太常少卿陳新政五事忤旨出爲登萊兵備僉事改南國子監司業天啟初諡恭節

明史本傳

崔涯字若濟太平人嘉靖己丑進士擢御史糾劾不避權貴上目爲真御史視漕河東陳鹽政七事歲祲請發鹽課七十萬以賑按福建墨吏聞風解綬陳山海十二策悉中利弊歲旱禱雨立應人稱御史雨以劾冢宰汪鉉見斥會倭寇東南廷臣薦唐順之及涯等可任用以老疾辭

一統志
江南通志

汪宏字靜齋旌德舉人知阜城縣郡募軍派買馬二百匹力爭得免薦守薊州薊鎮冒餉十餘萬按册稽實升屯田都水員外郎築中州鬻隄漕艘以濟晉南安守乞歸

江南通志

江廷藻字南濱旌德舉人授鉅野知縣白蓮寇起率兵殲其渠魁數郡悉靖邑多曠土督種桑棗成林遷判大名府以父疾乞

歸甯國府志

焦煜字伯升太平人嘉靖癸未進士歷遷浙江按察僉事所屬

多白役肆虐痛加裁抑一日偕僚佐出有瞽婦赴訴大呼孰為

焦青天者同官皆有愧色海鹽瀕海患潮築石隄七百餘丈立

斗門四以時濬洩至今賴之尋參議福建杭人罷市追送江南通志

江瑾甯國人嘉靖中知興甯縣修邑志建鄉賢名宦祠繕完城

郭皆知所先務湖南通志

崔錦字蓮塘太平舉人歷汝州知州通溝渠築隄堰招南人教

以耕耨開田數萬畝俗以饒富諸鄉祠祀不絕甯國府志

周懌字信之太平歲貢官易州同知性勤敏設金甌於廳外訟

者裏半日糧來即剖決發遣嘗出一冤獄其人封豕來饋中實

以金懌叱去之江南通志

劉鑄宣城人嘉靖閒知漳平縣立惠民公田杜侵隱之弊在任

九載清勤如一福建通志

崔惟植太平舉人任永州府推官民有冤坐重辟者惟植辨而

雪之甯遠蕭斗山倡亂招其黨千餘人復業賊首遂獲又剿除

長沙巨盜葛縉民得安枕廣西有豪民唐廷相聚眾爭零陵界

惟植靜以理之事遂解遷汝甯府同知歸甯國府志

徐棟甯國歲貢嘉靖四十三年知靈山縣有操守事皆自裁胥

吏重足而立故事每里甲遞年供役棟遣散歸農前官催徵過

刻民多逃竄棟加意招徠遂俱復業供稅如故廣東通志新增

陳宣字汝化太平人嘉靖乙丑進士知德清縣恤民教士建石

橋以濟民邑不病涉升南戶部主事督糧蘇州與王元美等倡

和甚富後判汀州卒甯國府志

重刊... 卷一百一十九
周恪字有之太平人怡弟以舉人知遂安縣多惠政重構瀛山書院朱子講學處也又修麗澤書院大興文教歷順天司理遷

知濱州致仕

太平縣志引遂安志

徐大任字重夫宣城人隆慶戊辰進士授工部主事歲汰水衡冗費數十萬權稅真州羨入一無所私權京兆尹事出俸置學田數百畝贍太學生以工部侍郎致仕神宗稱其清節為天下

第一弟大望萬曆戊戌進士知番禺縣亦以廉稱

一統志甯國府志

詹沂字浴之宣城人隆慶辛未進士知新建縣有惠政擢南給事中時張居正奪情議起省垣希旨乞畱沂本居正所取士疏具獨不署名出為山東副使歷遷副都御史會勘妖書獄力止株連咸甯令滿朝薦忤璫被收固請得釋楚藩之變陳善後事宜凡親王違制撫按皆得白簡從事乞增入赦內從之值除夕

上以沂素廉清寂可念特賜羊酒錙幣累疏乞歸不允遂解組

出國門俟命上優許之

一統志吳肅公傳略

陶宗儒南陵選貢任山西布政司理問升青州府通判以收礦

賊功加銜僉事尋移疾歸

甯國府志

許夢熊號印峯南陵人隆慶辛未進士知福清縣縣經倭亂夢

熊恤民惠商築堡防邊置號舍學田以課養士子葉向高林茂

槐李多見皆其所識拔號人倫冰鑑調宜都乞畱不報追送者

車不得行終南戶部主事

福建通志江南通志

蕭彥字思學涇縣人隆慶辛未進士歷工科給事中自塞上多警邊吏輒假招降倖賞彥言降人不可處內地宜一切報罷從之尋閱視陝西四鎮邊務還奏訓兵儲餉十事並允行進戶科都給事中疏凡數十上無不關切時政初詔購金珠已命停市

以其直輸內庫彥奏不當虛外府以實內又言察吏不宜視催科爲殿最有司憚考成必重以敲扑民力不勝流亡隨之上納其言擢太常少卿以右僉都御史巡撫貴州都勻答千巖苗叛土官蒙詔不能制彥檄副使楊寅秋破擒之改撫雲南時用師隴川副將鄧子龍所部兵作亂彥調土漢兵討之斬首八十撫散脅從尋撫鄖陽進兵部右侍郎總制兩廣軍務日本躡朝鮮會暹羅入貢請潛師搗其後尙書石星議從之彥言暹羅去日本萬里安能飛越大海旣而兵果不出召拜戶部右侍郎尋卒上聞哀悼賜祭葬贈右都御史諡定肅明史本傳

貢靖國字元忠宣城人萬曆丁丑進士歷刑部員外郎張居正欲置人重辟令其子以通家刺投謁靖國還其刺曰誤矣無世誼也竟出之有大猾當坐賄御史不問靖國力爭之卒抵法出

知泉州廉平爲理移兩淮鹽運忤御史投劾歸一統志

劉復芳宣城監生隆慶間任福建福甯州同知有故人子以事

求理曰縱公亦私也屏不治入覲行李蕭然福建通志新增

江廷寄號鳳臺旌德人隆慶戊辰進士授行人典祀淮府卻例

金由主事遷水部郎督修慈甯慈慶兩宮著有勞績賜金幣升

湖廣分巡道布政司參議革陋規尋致仕旌德縣志

焦位鑑字仲明太平人隆慶戊辰進士官戶部主事改職方巡

九門諸羽林材官無敢犯者甯國府志

蔡逢時字應期宣城人萬曆丁丑進士知海鹽縣行均甲法以

三百二十畝受一役而戶勿論於是富者無詭匿貧者無偏累

役法稱平遷祠部議藩封祿制著爲令升溫處兵備副使畫策

海防斬倭七十餘級轉河南參政築沁隄懷衛間終四川布政

使一統志浙
江名宦

趙健字行吾涇縣人萬曆丁丑進士由刑部主事出知辰州府教民紡績政清刑措頌聲大作歷貴州布政苗播竊發撫御有方羣醜賓服民建祠祀之尋入為通政使不附政府乞歸天啟元年起南太僕卿以忤魏瑞歸講學水西學者宗之湖廣通志
江南通志張守道字岸先宣城人萬曆甲辰進士授戶部主事視南徐倉中使採木過徐民輓甚因為捐倉羨以代徭役徐民德之入歷考功郎時稱水鏡魏闔方熾遂乞南還得南太常崇禎初轉工部侍郎以積勞卒贈尚書守道性孝友常急其兄難至破產母卒廬墓三年虎繞其墓三月始去一統志
江南通志趙士登字應庸涇縣人萬曆庚辰進士知黃岡縣時行清丈法巡歷阡陌經界畫一豪強憚之以治最擢御史出按貴州值安

酋亂協謀督撫討平之再按江西歲澇發粟賑貸全活無算廷議以河決請加賦士登力持不可竟得免歷遷僉都御史進南吏部右侍郎因水災疏請修實政以答天譴又論大僚多曠懼國事叢脞語皆切至卒贈右都御史江西通志
江南通志

葉永盛字子木涇縣人萬曆己丑進士以御史巡鹽兩浙值中使劉成來權稅商竈震懾盛奏之疏詞愷切上悟不直奄巡按江西闈寺黨連武弁有獻店設權之議盛抗疏請斬宵人議遂罷居御史九載疏數十上直聲震中外升太僕寺卿卒一統志

仙克謹字仲恆甯國人萬曆丁未進士知隆平縣歲旱捐俸給民穿井七百有二十民立石識之曰仙井邑無城又力城之尋調建安會水患多漂溺築隄建橋民困以濟歷山西兵備副使邊事孔棘親登陴指揮敵五載不敢犯境擢副都御史巡撫山

西條防邊策洞悉機宜引疾歸江南通志

麻溶字明之宣城人萬曆癸未進士歷吏部郎中同官趙南星削籍溶上疏乞召還忤執政意出為汾州守稅使馬堂肆虐致民變捕治者多所株連溶力持得釋及卒貧不能斂撫臣魏允貞以清正聞詔贈光祿卿一統志

梅鵬祚字仲舉宣城人萬曆癸未進士由庶常改御史會鄭貴妃有寵受封時王恭妃生皇太子五年矣封不與鵬祚請進封王妃以定國本且杜他釁不報又疏言錦衣衛多中官私人相比為奸致本兵數易語稍激詔奪其俸尋出按粵西卒於道一統志

梅綿祚字公衍宣城舉人歷戶部主事密雲兵乏餉力言於主計者通他儲以濟兵得無譁知柳州撫猺獞多惠政子朝宗以

恩貢宰羅源戢貪弁治猾賈以除民害羅人德之江南通志甯國府志

葉煒字文光宣城人萬曆丙戌進士知餘姚縣歷河間守餘姚諸湖及海墾地豪家侵占煒清復之並作隄堰民免旱澇任邱有殺人者倚叔中貴冀緩死竟論抵罪遷紹甯兵備致仕江南通志
徐夢麟字惟仁宣城人萬曆丙戌進士歷知河南府值倭警調登州以捍禦著功屬吏忤瑞懼不免力為直之仕終南太僕少

卿江南通志
顏文選字巽之宣城人萬曆丙戌進士由江夏知縣擢戶科給事中在垣十一月疏十三上其請建國儲疏尤激切會推鄒元標府丞疏入久不下文選力請上怒其黨遂謫外後追贈光祿少卿一統志

梅守相字台甫宣城人萬曆乙丑進士歷工部主事權夏鎮陳

泐河利運狀遷郎中身董其役歷塗潦冒艱險九載績成以二百六十里之泐避黃河險三百三十里仕終廣西按察使弟守極以舉人知吉安州疏濬水道土人名曰梅溪終南戶部員外守峻萬曆癸未進士爲吏部郎疏壅滯清流品終陝西參政守和萬曆戊戌進士由禮部郎督學河南嚴抑奔競歷升廣西參政

江南通志

金孚兌字吉所太平舉人萬曆辛卯授曲江知縣值歲祲請於巡撫奏蠲稅糧復發官帑賑之所活數千家韶郡密邇諸洞互市交關者稍忤其意輒羣譁殺掠孚兌內嚴守禦外布恩信犛人戒不犯境爲粵東清廉第一

廣東通志 新增

胡國鑑字正甫宣城人萬曆壬辰進士歷禮部儀制司三吳告稷疏請賑濟子尙洪入南雍預修熹宗實錄尙洪子夢龍以拔

貢知棗強省刑獄減差累釐鹽弊聲績甚著

甯國府志

濮陽春字生甫宣城人萬曆辛丑進士知海鹽縣有都諫子販

私鹺捕之以石擊殺指揮使春逮治如法諸司爲之解不從歷

官郎中告歸

甯國府志

徐汝正號二寔宣城人以舉人知西鄉縣時瑞藩封漢中道西鄉驅民牽挽不勝驛騷汝正操小艇謁王爲民請命風作舟溺求屍三日始得之邑民環哭立祠祀焉

江南通志

徐騰芳字雲卿宣城人萬曆庚戌進士歷九江同知桑落洲崩潰蘆課無出請崩者蠲荒者減州民德之遷知真定升易州兵備擒賊黨于宏志等破其眾六千人終陝西參政

江南通志

馮汝京字宋臣宣城人萬曆庚戌進士以戶部郎司餉遼東遷密雲兵備鍊火器募死士制長槌鑄大戟以截古北水口有捍

禦功

甯國府志

梅國祚字景靈宣城人以歲貢任杞縣教諭薦授縣竹令蜀地濱江肩販者例徵行稅內璫邱某監稅事勒縣竹如例又有甲夫以應徭役設黨正副統之官歲取紙價謂之紅錢國祚力請於上官並革禁之商民胥便以建振古樓不便於某官為所讒遂拂衣歸

甯國府志

章廷訓字汝欽涇縣舉人萬曆閒任福建安溪知縣縣城東臨溪易壞前令俞仲章雖築沙岸而急湍衝齧河濬漸薄廷訓請於上官恢基改築基年而竣又鉛礦聚徒為民隱患廷訓驅而出之民始帖席御史周維翰署其考曰一腔忠信三載循良蓋實錄云

福建通志新編

高維岳字君翰宣城人以舉人署瓊州礦徒竊發鈎倭入寇伏兵擊破之轉鞏昌郡丞督餉臨洮招番人置近甸邊賴以安遷興國知州州故苦柯潭二賊維岳至立擒其魁當事忌之投劾

歸

江南通志

詹應鵬字狷南宣城人沂之子也萬曆丙辰進士知嘉興府逆璫羅織諸賢嘉禾魏大中被逮鵬獨躬餞道左相持大慟嘗辨明一孝廉之冤召訊奸惡立寘上刑歷遷兩浙右布政除害興利士民祠祀之

甯國府志

詹應鶴字九皋宣城人仕閩鹽運使參軍歲歉引滯平其價以通之常股存積諸弊釐清以廉幹聞

甯國府志

鄭一元字貞起涇縣舉人知蒼梧縣縣有斷腸草愚民忿輒食之一元命犯杖二十者納草百斤聚而焚之久之種絕梧人歌曰杖二十草十件賴鄭公賜免斷以政最遷刑部主事

甯國府志

查大期字望道涇縣舉人知湘潭縣前令方來獻嗜酒廢事大期至興利除弊邑人歌曰壺中有酒方來獻獄底無冤查大期同邑包大智字若愚以舉人攝南甯府猺獞不遵王化撫以恩威數月悉服士民至今祠祀甯國府志

徐浩字養盛涇縣人為永嘉丞邑每歲有清軍例錢數百金一文不取同邑左棠芳字泰華署路南州清勤甚著後升獨山知

州甯國府志

趙璿字美中涇縣人知清遠縣有能聲巡撫趙可懷稱為循良第一書第一人三字額贈之甯國府志

汪冀夔字一寰南陵人萬曆乙未進士知襄陽縣襄故劇邑夔治繁如簡嘗鞫疑案出大辟十七人襄民德之為刻辨冤錄以最升南戶部主事甯國府志

管橘字五陵南陵人萬曆乙未進士知長泰縣夙苦麻餉橘除之礦役大興多藉為姦利力請禁戢遷大理評事雪疑獄大辟者數人擢監察御史指劾不避權貴解組歸甯國府志

戴新字浴日南陵人萬曆甲辰進士以工部主事出知甯波府櫛剔諸弊眾憚嚴整郡瀕海數苦倭寇造船治械防禦甚周終

湖廣武漢道江南通志

劉有源字工峯南陵人萬曆丁未進士由仁和令擢御史有人措餉二疏言甚切至收治東城大猾中貴為解不聽仕至江西按察使性友愛嘗以己田分給伯仲卒年八十四江南通志

趙士際字維行涇縣人以舉人知雜容縣調宣化創建城池擢羅定州州初歸版籍規畫拊循民大悅附轉汾州同知恤災賑荒全活無算所在尸祝子不盈行誼敦睦喜讀周邵書羅定州志

南通志

郭忠信字希曾與兄忠曾並甯國諸生從羅汝芳講學耿恭簡督學南畿求實學篤行之士合十四郡得十一人兄弟皆與焉隆慶中忠信以恩貢判辰州忤時相謫婺源教諭以八條造士

人稱梅井先生

江南通志

黃一騰字仲昇甯國人萬曆戊戌進士觀政兵部上武備十議出知完縣縣多盜一騰舉行保甲講律令兩月俗大革調知南昌有虛丁虛米為民累力為清覈時稅璫潘相驕橫至繫辱宗室騰數其過使減騶騎潘怒撼以危言騰蔑如也擢儀制司主事後升山東布政司參議

江南通志

張星字文宿宣城人以恩貢知館陶置廉貯倉以備賑擢河間同知調天津饑民五十人以避寇至吏疑而捕之星悉縱去督

撫不憚曰某不惜一官活一命況五十人乎會璫盧惟甯監津

通軍星不肯隨眾伏謁遂免歸

江南通志

葉時宴字瑤山南陵人以貢歷涿州知州有訟者輒愀然諭以里鄰睦而後風俗醇委曲開導民薰其德獄訟衰息時稱循良

第一

甯國府志

劉維清南陵人以武進士歷薊鎮遊擊舊操練之日軍士各有例獻維清一無所受轉浙江北洋遊擊乘風出汎不避艱險民為立祠招寶山後升湖廣鎮守參將

甯國府志

管一鯨字若谷南陵人知新津縣廉潔愛民奢會之亂運籌保境遷知養利州土司龍甯內訌鯨奉委輯定之以勞致疾卒官

甯國府志

吳尙默字元垣涇縣人萬曆丙辰進士知義烏縣以楊漣左光

斗薦擢御史出按蜀奢崇明之亂會督撫合謀剪滅之尋按粵
東海寇猖獗設方略控扼得無事崇禎初累疏乞窮治魏崔奸
黨薦起廢謫諸名臣多見採納以論救錢龍錫忤旨謫守承天
府時流寇大擾練鄉兵數千備守禦官至本省右布政卒江南通志
鄭極祥字章峩涇縣舉人歷永年推官守禦松山有功擢兵部
主事調南刑部員外郎多所平反以清節聞終寶慶知府甯國府志
王廷相字中鉉涇縣人官河陽州判時播逆作亂督府以廷相
為監紀汰大帥掠殺平民冒功之罪全活無算遷簡州州同值
歲祲賑濟有方尋擢崇國左長史甯國府志
許成器字道甫甯國人以舉人歷翰林孔目預修玉牒適辰沅
餉匱兵噪擢為兵備副使至則撫而戢之告歸成器性孝友撫
兩弟遺孤如所生甯國府志

汪若極字子無旌德人萬曆進士知仁和縣催科甚煩若極設
易知單法悉汰羨餘民輸將恐後擢御史疏上六事其止內操
一條觸璫怒出按粵西會有旨責成撫按措銀十五萬若極以
疏力諍得免仕終太僕少卿江南通志
胡篤卿字培元太平人萬曆癸未進士歷守漢陽雲南撫州三
郡所至有聲黔國公嘗薦其才可大用致仕歸甯國府志
周文澤旌德人萬曆中知永明縣延見父老面詢疾苦條餉悉
令花戶自封投櫃侵蝕逋欠諸弊皆革縣有小水營更番戍守
後為營弁乾沒營惟空伍無裨緩急文澤申請撤之歲省額費
甚多湖南通志

崔廷健字孟乾太平人萬曆壬辰進士官行人奉使朝鮮言論
風采屬國敬憚比歸以方物珍貨為贖悉卻謝督杭州抽分商

重修安徵通志 卷一百一十九 人物志 宦績 六
旅稱便擢四川分守道兼攝七印以勞卒甯國府志

崔師訓字惟承太平人萬曆戊戌進士授戶部主事監崇文門

稅吏不敢上下其手再監易州稅溢金盈萬悉簿畱公癸卯典

蜀試所取士醜正爾雅歷遷福建參政不以寸絲粒粟擾民防

海冒暑卒於官民祀之江南通志 福建通志

朱諭涇縣人萬曆中知武岡州修學宮建倉儲手輯州志創隄

關港利永而民不病湖南通志

李元調字劬雲太平人萬曆戊戌進士知奉新縣勸農興學懲

猾恤貧一時翕然稱賢父母同邑方立誠字豫之以舉人知絳

州多善政甯國府志

王綱字象賢太平舉人知甯鄉縣值歲凶多逋賦綱撫循有術

民樂輸不病執法不移時稱鐵面而接見賢士大夫甚恭以治

最知晉州置學田贍士人文丕振民祠祀焉升漢陽知府未任

卒湖南通志

王參字惟贊太平舉人知費縣兵燹後民多流亡捐資易牛墾

荒課種民漸復業以搜賊冒雨卒士民祠祀同邑胡廷珪以貢

生任平原教諭令催衿逋過峻諸生嘵嘵幾釀事廷珪竭力調

劑令與士均感其誠事遂釋甯國府志

王世能宣城人萬曆閒為山西運使恐商困於催科不差役滋

擾親督採鹽商人獲利卒於官商民思之山西通志

郭建邦字爾立旌德人天啟壬戌進士授行人值璫燄熏灼建

邦恥之家居者六年璫敗起兵科給事中歷遷通政司通政戶

部以兵餉孔亟檄加山稅建邦力言得免遷太僕寺卿升順天

府尹久旱虔禱三日雨隨注因疏陳民間疾苦請修補助之政

擢工部侍郎乞歸卒

江南通志

戴士憲南陵人以舉人署亳州學正流寇劫掠為州守畫捍禦

策城賴以全

甯國府志

趙士發字性宇涇縣人以貢生攝永州府事有宗子獲罪下楚

撫勘問廷質時以銅肘擊殺巡撫趙可懷遂成大獄士發力白

制府奏寬株累反側以安子不逸字鼎石由文華殿中書歷兵

部員外郎魏瑞欲引進之亟請差歸遂不復出

甯國府志

趙碩來字復之涇縣舉人知上杭縣俗多巫蠱案以重法火其

書積患頓息奏最擢邵武府丞同邑董哲官紹興府判賑荒愛

士人甚德之

甯國府志

徐日隆字崇道宣城人知景甯縣地故多盜無城日隆創築之

改建學宮集諸生講業升沂州守已前卒

甯國府志

徐律時字乾若宣城人崇禎庚辰進士知膠州清介自勵土寇

訖發親率州人防禦民得安堵

江南通志

劉維仁字孔安宣城人崇禎甲戌進士歷知錢塘鉛山魏縣潔

己愛民遇亂歸絕意仕進同邑鍾震陽字百里崇禎癸未進士

知山陰縣築塘捍海部民為之立碑

江南通志

丁益高字襄明宣城人官餘杭縣丞時武林兵寇交集邑無正

令益高獨攜一老蹇病胥晝夜綏輯冒白刃奔走會城請兵解

餉杭郡屬邑多遭焚掠惟餘杭城郭獨完

甯國府志

許久申字日華南陵人歷署廣西景東二府事廣西治徧沙夷

苦劫掠久申督土司兵親冒矢石宣諭威德郡境以安其在景

東與威遠州為鄰負逋者多逃入之久申乃令復還故業給以

牛種歲來歸者二千餘人景東土司與沅江土官交惡久申將

二十人往諭命取酒為兩家設誓鬪遂解甯國府志

王世幹字旋字南陵人攝嶧縣事白蓮賊倡亂眾數萬幹率義勇戰於邑之鳳山擒其巨魁餘黨悉遜以罍誤去官士民擁道

泣送甯國府志

朱萬鎰字玉完甯國人以拔貢知義甯縣潔己奉公仁聲雅著

永甯州苗多梗化撫軍林廉其才檄攝州事單騎就道不半載

皆懾服升沅江同知致仕士民攀轅數百里不絕甯國府志

朱邦衡字士平甯國人任太平教諭以不開劣生被劾時升虞

城令或咎之曰邑實無之可誣人自利乎即日放舟歸甯國府志

汪承詔字仲宣甯國人崇禎辛未進士授武昌知縣擢御史巡

按湖廣以章疏愷直為當事所忌遂歸甯國府志

仙作勵字石初甯國人克勤子也克勤官職方作勵閱歷典故

熟諳形勢多所補益後授武英殿中書舍人侍父歸遂不出居里值歲祲散財出粟全活無算

國朝順治初土寇猖獗聚族自保捐餉請兵邑賴以安甯國府志

孫正氣太平人官甯遠衛經歷新提川兵糧乏鼓噪正氣諭以

利害各還營伍流賊攻城穴地以避火礮用被裹稍黃鐵繩縛

而縋之賊不能避遂退以功擢甯遠通判甯國府志

程言字颺伯太平人崇禎癸未進士授弋陽知縣以母老不赴

言初以舉人秉鐸當塗適有兵躡畫策捍禦與守令分當一面

彌月始戢年饑捐賑為巨姓倡士民立石誦德甯國府志

胡天錫號聖泉太平人官山東單縣尉奉檄治河河潰決不常

天錫以土易石築之堅厚省費不貲而河瀾晏如時萬眾蟻聚

酷暑疫作天錫知醫捐財市藥以給病者所活不可勝計擢管

河同知以病告歸單人祠祀

太平縣志
引單縣志

趙必遷太平人父文昌兩任蘭溪縣丞署縣事多惠政必遷以

選貢知興文縣清介不畏強禦初赴任有大憝趙侍者於中途

謁餽千金卻勿受因廉得其積惡受毒者百餘家遂收之而寘

於法民心大快擢荆府審理正告歸

甯國府志

項如皋字孟凱太平人以崇禎庚辰特用授刑部主事時黃道

周忤旨解學龍等並以論救得罪如皋抗疏極言事得解卒於

官貧無以斂雷續祚劉理順為經紀其喪櫬始得歸

一統志

蕭思倫涇縣人官瀏陽縣丞崇禎中攝縣事習知民困力除苛

政邑人感之

湖南通志

